



«ԳՆԱԶԱՄ» ԻՆՏԵՆՏ

Գրարարից աշխարհարարի վերածեց
ՄԵՂԱ ՍՏԱՄԲՕԼՅԵԱՆԸ

Նախարանը՝
ՅԱԿՈԲ ԶԵՆՍԵԵԱՆԻ

Խմբագիր՝
Տ. ՄԵՍՐՈՊ ԶԱԿԱՆԱՅ ԱՐԱՄԵԱՆ

Նկարիչ՝
ԱՐՄԵՆ ԲԻՒՐՉԵԱՆ

Խ
ԲԻԳՈՐ
ՎԱՐԳԱՊԵՏ

Խ
ԽՈՎ ՏԵՆԱՐԻՊ
ԿԱՆՈՎՔԻ ԵՆ
ՈՐՈՎՔԻՆՈՎՔԻ
ՎԱՐՔԻ ԵՆՈՎՔԻ

Ի ՀԱՅՐԱՊԵՏՈՒԹԵԱՆ
Տ. Տ. ՎԱԶԳԵՆԻ Ա.
ՍՐԱԶՆԱԳՈՅՆ
ԿԱԹՈՂԻԿՈՍԻ ԱՄԵՆԱՅՆ ՀԱՅՈՑ

ՀՐԱՄԱՆԱԻ
Տ. ՊԱՐԳԵԻԻ
ՍՐԱԶԱՆ ԵՊԻՍԿՈՊՈՍԻ
ԱՌԱՋՆՈՐԴԻՆ ԱՐՑԱԽԱՅ

ՆԵՐԱԾՈՒԹԻՒՆ

Հայ Եկեղեցու աստուածաբանական ժառանգութեան մէջ իրենց ուրոյն տեղն են զբաղեցնում խրատները: Սրանք ներկայացնում են հոգեւոր գրականութեան այն ոլորտը, որն առաւելագոյն ներդաշնակութեամբ արտացոլում է բարոյական աստուածաբանութեան տեսական եւ գործնական սկզբունքները: Այս է պատճառն այն տեսական հետաքրքրութեան, որ մեր հայրերը ցուցաբերել են խրատների նկատմամբ: Այդ հետաքրքրութիւնն արտայայտուած է տակաւին հայ դպրութեան արշալոյսին, երբ պատշաճ նկատուեց Աստուածաշունչ մատենաի հայացումը սկսել խրատական բովանդակութիւն ունեցող «Առակաց» գրքի թարգմանութեամբ: Աւելի ուշ սրան հետեւեցին սուրբ հայրերի, Խիկար Իմաստունի խրատների, «Քանք իմաստնոց» անունը կրող ժողովածուների թարգմանութիւնները: Վերջիններս լուրջ խթան դարձան հայ ինքնուրոյն խրատագրութեան համար: Այդ թարգմանութիւնների հիման վրայ զարգացաւ քրիստոնէական խրատագրութիւնը հայ իրականութեան մէջ: Ի թիւս խրատագիր մի շարք հեղինակների (Մխիթար Գոշ, Վարդան Այգեկցի, Յովհաննէս Գառնեցի եւ ուրիշներ)¹ ձեռագիր մատենները յիշում են նաեւ Գրիգոր վարդապետի անունը: Խրատները ժամանակին վերագրուել են ս. Գրիգոր Նարեկացու գրչին եւ թեաքար գետեղուել նրա մատենագրական ժառանգութիւնն ամփոփող հատորի մէջ (տպ. Վենետիկ, 1840, էջ 483–533): Հրատարակիչներն այս վերագրումն արդարացուած են համարում այն հիմամբ, թէ «բիւզանդացւոց տպագիրք», ինչպէս նաեւ՝ գերմանացի մեծանուն հայկաբան Յոհան Շրոդերն իր «Արամեան լեզուին գանձ» աշխատութեան (տպ. Ամստերդամ, 1711) մէջ Նարեկացու անունով են յիշատակում այս խրատները: Սակայն, միւս կողմից, հրատարակիչները ծանուցում են, որ Յայսմատուրքի մէջ գետեղուած (Մեհեկի ԻԱ) Նարեկացու վարքում, ուր մի առ վի թուարկում են նրա մեզ յայտնի բոլոր երկերը, այս խրատաշարը չի յիշատակում¹: Ելնելով այս իրողութիւնից, ինչպէս նաեւ՝ ԺԲ–ԺԳ դդ. նշանաւոր մատենագիր, Նարեկացու անուանակից Գրիգոր Սկեռացու Աղօթագրքի եւ խնդրոյ առարկայ դարձած խրատաշարի մէջ նկատուող աստուածաբանական բացորոշ ընդհանրութիւններից (որոնք Աղօթագրքի մէջ դրսեւորում են խոստովանական մաղթանքի ձեւով, իսկ խրատաշարում՝ խրատական, յորդորական «բանիս»)՝ իրաւացիօրէն ենթադրում են, որ խրատաշարը վերագրելի է նրան: Հետե-

1 Տե՛ս Յայսմատուրք, Կ. Պոլիս, 1834, էջ 99:

նելով վենետիկեան հրատարակութեանը՝ «Գանձասար» հանդէսի խմբագրութիւնը նպատակայարմար գտաւ այդ խրատներից մի քանիսի աշխարհաբար թարգմանութիւնն ընթերցողին ներկայացնել ս. Գրիգոր Նարեկացու անունով (1992, Ա, էջ 165): Սակայն վերոյիշեալ փաստերը ցոյց են տալիս, որ խրատները շատ անելի մեծ հաւանականութեամբ վերագրելի են Գրիգոր Սկեռացու գրչին¹:

Մտուել է ԺԲ դարի վերջին քառորդին Լամբրոն ասանում, որի պատճառով յաճախ կոչուում է նաեւ Լամբրոնացի: Ուսումն ու կրթութիւնը ստացել է Սկեռայ վանքում Եկեղեցու նշանաւոր հայր Ներսէ Լամբրոնացու (1153–1198 թթ.) մօտ: Գրիգոր Սկեռացին իր մեծանուն ուսուցչի նման գործուն մասնակցութիւն է բերել քաղաքական, եկեղեցական կեանքին: Եղել է Լեւոն Մեծի խոստովանահայրը: 1221 թ. Կոստանդին Բարձրաբերդցու հետ առաջադրուել է կաթողիկոսական աթոռի թեկնածու: 1256թ. «[Յ]ընտրութենէ Սուրբ Հոգւոյն եւ բազմաց վկայութեամբ եպիսկոպոս ձեռնադրի մեծաշուք ուխտին Սկեռայի»²: Այստեղ ծաւալել է մանկավարժական գործունեութիւն: Ամենայն հաւանականութեամբ մահացել է 1264 թ.:

Գրիգոր Սկեռացին թողել է բաւական հարուստ աստուածաբանական ժառանգութիւն: Բացի նրան վերագրելի խրատներից, հեղինակի գրչին են պատկանում մեկնողական երկեր, աղօթքներ, ճառեր, ներբողներ եւ այլն: Սրանց զգալի մասը հրատարակուած է ԺԸ–ԺԹ դդ.: Ինչպէս արդէն զիտենք, հրատարակութեան արժանացած երկերից է Գրիգոր վարդապետի խնդրոյ առարկայ խրատաշարը:

Աշխատութիւնը շարադրելիս Գրիգոր վարդապետն օգտուել է չորս կարգի աղբիւրից.

- Ա. Աստուածաշնչական,
- Բ. Դաւանաբանական,
- Գ. Վարքագրական,
- Դ. Մարդաբանական:

Ա. Բառացի վկայութիւններից զատ Գրիգոր վարդապետն Աստուածաշնչից օգտուում է ոչ բառացի, իմաստային առաջաբերութեան միջոցով: Այդպիսիք են, օրինակ, հետեւեալ հատուածները, որոնք ուղ-

1 Ն. եպս. Պողարեան, Հայ գրողներ, Ե–ԺԷ դդ., Երուսաղէմ, 1971, էջ 273, Էդ. սրկ. Միքայիլանեան, Գրիգոր Սկեռացու մատենագրական ժառանգութիւնը (անգլիա):

2 Տե՛ս Էդ. Բաղդասարեան, Գետրոզ Սկեռացու «Վարքը», «Բանբեր մատենագրանի», 1964, նս. 7, էջ 405:

ղակի կամ անուղղակի ձեւով ակնարկում են Աստուածաշնչի այս կամ այն տեղը. «Բայց դու զգո՛յճ եղիր՝ գործով փութալու ասածներիս կատարման մէջ՝ ըստ ժիր եւ հաւատարիմ ծառայի օրինակի, որ արթնութեամբ սպասում էր տիրոջ գալստեանը» (Հմմտ. Մատթ. ԻԴ 45), «Թէ մեղքերը միի պէս անլուանալի սեւ լինեն, իբրեւ ձիւն կսպիտակեն, եւ թէ արեան պէս կարմիր լինեն՝ ասես որդան կարմիրով անելանելի կերպով ներկուած, իբրեւ մաքուր բուրդ կսրբուեն» (Հմմտ. Եսայի Ա 18), «Եւ Կայնի մարդասպանութիւնը ոչ այլ ինչ էր, եթէ ոչ՝ [այն], որ չկարողացաւ նայել Հաբելի՝ Աստծուն հաճելի պատարագներին: Իսկ Յովսէփի եղբայրները, բաղձալի երագատեսութեանը նախանձելով, կամեցան սպանել նրան եւ ապա այլազգիներին վաճառեցին, ինչպէս որ Տիրոջը չարչարանքների եւ մահուան մատնեցին: Եւ եւ Դաւթին սպանելու նպատակով Սաուլի բազմահաւար մեղեմայութիւններն այլեւս ինչի՞ց էին, եթէ ոչ՝ [նրանից], որ ժողովրդի աչքին սիրուած եւ պատուած էր նրան տեսնում եւ պարողներից լսում, թէ Դաւիթը փրկարների կոտորեց»: (տե՛ս Մկն. Դ 4–9, Լէ 28, Ա Թագ. ԻԱ 11, ԻԹ 5):

Բ. Յանձին Գրիգոր վարդապետի՝ խրատների մէջ երեսում է Հայ Եկեղեցու դաւանաբանութեան նախանձախնդիր պաշտպանը: Առաջին հերթին այն դրսեւորում է Նիկիոյ եկեղեցական տիեզերածողովում (325 թ.) ընդունած եւ Հայ Եկեղեցու կողմից մեկընդմիջտ վաւերացուած հաւատոյ հանգանակի յիշատակմամբ («Հաւատամք եւ յայս միայն ընդհանրական եւ առաքելական Եկեղեցի... ի կեանս յափտեցից»)՝ Դաւանական հարցերը մշտապէս եղել են մեր հայրերի ուշադրութեան կենտրոնում: Այս տեսանկիւնից մասնաւորաբար յատկանշական են Գրիգոր վարդապետի երրորդաբանական խորհրդաձոյթները, որոնց մէջ առաւել խտացուած կերպով արտայայտուած է Հայ Եկեղեցու որդեգրած երրորդաբանական սկզբունքը, ըստ որի՝ Հայր Աստուած բնորոշում է որպէս *ճշմարիտ Էութիւն, կատարեալ Գոյ, անեղ, անսկիզբ, անժամանակ, անպատճառ, անիմանալի, անտեսանելի, անճառելի, անհաս, պարզ, անզնիւն, անվերջ, անասիման, աներբ, անուր...* Որդի Աստուած՝ *Էութեան կերպարանք եւ ճառագայթ, կենդանի Ակարագիր եւ կնիք, իմաստութիւն եւ զօրութիւն... Աստուած՝ Աստծուց, անեղ՝ անեղից, անժամանակ՝ անժամանակից, կեանք՝ կեան-*

1 «Նրանեզ քրիստոնէական հաւատոյ ըստ ուղղափառ դաւանութեան Եկեղեցոյ Հայաստանեայց՝ աշխատ. Մտերոյ վարժապետի Գրիգորեան Ձմիւնացոյ», Մոսկուա, 1850, էջ ԻԹ:

քից... Հոգին Սուրբ Աստուած՝ *անճառաբար բխում Հօրից՝ ոչ Որդու պէս՝ ծննդեանք, այլ՝ Էութիւնից ելնողութեանք...* Էակից՝ *Հօրը եւ փառակից՝ Որդուն*: Սուրբ Երրորդութեան Երեք Անձերը բնութագծում են երեք ընդհանրական որակումներով՝ ծնողութիւն, ծնելութիւն եւ ելողութիւն: Սոյն եզրերի կիրարկման մէջ Գրիգոր վարդապետը պահպանում է առանձնայատուկ հոգեհարազատութիւն Հայ Առաքելական Եկեղեցու հաստատագրած դաւանութեան նկատմամբ: Այսպէս արդէն Հիպպոլիտոս Բրստրացու (236–237թ.) Սուրբ Երրորդութեանը նուիրում «Հարցուպատասխանիի» մէջ կարդում ենք. «Ջի այսպէս զծնողութիւնն Հօր եւեթ իմանամք եւ զծնելիութիւնն Որդոյ եւ զելողութիւնն Հոգոյն Սրբոյ առանձինն...»¹: Սուրբ Յովհաննէս Իմաստասեր Օձնեցի (Ը դար) «Ճառ ընդդէմ երեւութականաց» երկում, հիմնուելով տիեզերական Եկեղեցու երրորդաբանութեան վրայ, ասում է. «Արտորոշեալ ճանաչի ի նոյս դէմն այսուիկ. Հօր՝ ծնող գոլ, Որդոյ՝ ծնունդ, իսկ Հոգոյ՝ ելումս»: Իր պատարագի մեկնութեան մէջ Խոսրով Անձեացի (Ժ դար) հաստատում է. «Այս է կատարումն հաւատոյն զՀայր եւ զՈրդի եւ զՍուրբ Հոգին ճանաչել Երիս Անձինս եւ Սի Աստուած... ծնող՝ զՀայր, եւ ծնունդ՝ զՈրդի, եւ զելումս՝ զՀոգին՝ ի Հօրէ եւ ոչ ծնունդ»²:

Գ. Խրատներում օգտագործուած վարքագրական միակ աղբիւրը Նոնոս եպիսկոպոսի եւ Պելագիայի մասին պատմուող գրոյցն է, որ քաղուած է «Հարանց Վարքում» զետեղուած «Խրատք օգտակարք վասն զգուշութեան պոռնկութեան» խրատաշարից³:

Դ. Հայ Եկեղեցու աստուածաբանութեան բաղկացուցիչ մասն է մարդաբանութիւնը: Այն կարելի տեղ է զբաղեցնում հայ (եւ ոչ միայն՝ հայ) եկեղեցական մատենագրութեան մէջ: Գրիգոր վարդապետի մարդաբանական հայեացքները սնում են եկեղեցական աւանդութեան հարուստ ակունքներից: Հիմնուելով պլատոնական իմաստասիրութեան լաւագոյն աւանդներն իր մէջ ամփոփած քրիստոնէական մարդաբանութեան գլխաւոր ձեռնարկ Նեմեսիոս Եմեսացու «Յաղագս բնութեան մարդոյ» երկի վրայ⁴, ինչպէս նաեւ՝ արձագանքելով

1 «Կնիք հաւատոյ ընդհանուր Սուրբ Եկեղեցոյ», հրատ. Կարապետ եպիսկոպոսի, Մ. Էջմիածին, 1914, էջ 10:

2 Տե՛ս Կրահանգ, էջ 157–158:

3 Տե՛ս «Վարք սրբոց հարանց եւ քաղաքավարութիւնք նոցին...», հտ. Ա, Վեճեփիկ, 1855, էջ 670–673:

4 «Պղատոնի Իմաստասիրի Տրամախօսութիւնք Եթիփան, Պաշտպանութիւն Սոկրատայ եւ Տիմոս», Վեճեփիկ, 1877, էջ 144–146; «Նեմեսիոսի փիլիսոփայի Եմեսացոյ Յաղագս բնութեան մարդոյ», Վեճեփիկ, 1899:

հայ եկեղեցական աստուածաբանութեան մէջ բազմիցս արծարծուած այդ գաղափարին («Հոգի եռամասնեայ է. բան ունի, ցասումն եւ ցանկութիւն»)՝ նա մանաւոր ուշադրութեամբ խօսում է հոգու եռամասնեայ լինելու վերաբերեալ: Ըստ հեղինակի՝ հոգու երեք մասերին կամ յատկութիւններին համապատասխանում են երեք գլխաւոր առաքինութիւնները. բանականին՝ խոհականութիւնը, ցասմականին՝ արհուութիւնը, իսկ ցանկականին՝ ողջախոհութիւնը: Դասդասելով այս երեք առաքինութիւնները՝ նա՝ նուիրապետական վերին սանդղակը շնորհում է բանականութեանը, *քանզի բանականը, որպէս միանեղից առաւել վեհ, առաջ է դասուում եւ իշխան ու հրամանատար է նրանց վրայ, քանզի նրա գործը խորհելը եւ, ըստ նոյնի, արժանին ասանդեկն է երկուսին էլ՝ ցասմականին եւ ցանկականին*: Ուրեմն, ցասմականն ու ցանկականը գործում են բանականութեան թելադրանքով կամ կարգադրութեամբ:

Բանականի մաս է կազմում արդարութիւնը: Ջանի դեռ այս երեքը մէկ–մէկու հետ յարաբերում են նուիրապետական աստիճանակարգման ընկալեալ օրէնքներով (ցասմականը ենթարկում է բանականին, իսկ ցանկականը՝ ցասմականին), մարդն ապրում է Աստուածութեան հետ ներդաշնակ համերաշխութեամբ, սակայն *եթէ վայելչական կարգը եղծուելով ապականուում է, ծառաները տէրերի վրայ են ելնում, իշխանութիւնը յափշտակում, տէրերին ծառայեցնում, այսինքն՝ երբ ցանկականը ցասմականի, եւ ցասմականը խոհականի վրայ է տիրում, ամեն ինչ խառնուելով ամբողջովին կործանում է, եւ իւրաքանչիւրը հակառակ ներգործութեան մէջ է շարժում*, որի հետեանքով խախտում է Աստուծոյ եւ մարդու ներդաշնակ յարաբերութիւնը: Սա պատճառ է դառնում անմտութեան, բարկութեան, վաւաշոտութեան, անիրաւութեան, որոնք մարդուն զրկում են Աստուծոյ օրինեալ ներկայութիւնից:

Խրատն առաւել դիպուկ եւ ներգործուն դարձնելու նպատակով հեղինակը դիմում է առակաւոր խօսքին: Հետեւելով դարի կանոնակարգուած մեկնաբանական յայտնի սկզբունքներին՝ Գրիգոր վարդապետը պիտառնում է քրիստոնէական խորհրդանշանի լեզուական միջոցները: Յոյց տալու համար, որ չի կարող լինել կատարեալ փրկութիւն առանց առաքինի գործերի՝ հեղինակը հաստատագրում է, որ դրանց հիմքը հաւատքի վարդապետութիւնն է (Հմմտ. Ա Կորնթ. Գ

1 Տե՛ս «Սոբ Բառգիրք Հայկազեան լեզուի», հտ. Ա, Վեճեփիկ, 1837, էջ 662:

10): Սակայն հոգետը շինութիւնն աւարտելու համար անհրաժեշտ են զանազան *շինանիւթեր*՝ ոսկի, արծաթ, մեծագին քարեր: Ըստ հեղինակի մեկնաբանութեան՝ ոսկին նշանակն է *խոհական իմաստութեան*, արծաթը՝ *բանական առաքինութեան*, իսկ մեծագին քարերը՝ *պէտպէ...* *բարեգործութիւններ*: Շինութեան ընթացքում այս ընտիր շինանիւթերին ոչ հազուադէպ խառնուում են նաեւ փայտը, խոտը, եղեգը, որոնք նշանակներն են *մեղազորութեան*: Եթէ առաջին երկու շինանիւթերը վերաբերում են հոգետը մարզին, ուր կատարում են միայն աստուածահաճոյ գործեր, ապա մնացեալ շինանիւթերը՝ մարմնաւոր մարզին, ուր գործողութիւնները պայմանաւորուած են բացառապէս նիւթական շահագրգռութիւններով: Վերջին Դատաստանի Օրը բոլորի Դատաւորը կրակով պէտք է փորձի իւրաքանչիւրի հոգետը շինութեան ամրութիւնը, *քանզի եթէ ոսկի է կամ արծաթ, հրին ոչ միայն կույ չի գնայ, այլեւ է՛լ առաւել պարզունելով կպայծառանայ... իսկ եթէ փայտ է, խոտ կամ եղեգ, շուտով այրունելով կապականուի:*

Գրիգոր վարդապետի խրատները հայ աստուածաբանական մտքի կարեւորագոյն նուաճումներից են: Դրանց մէջ լաւագոյնս մեկտեղուած են եկեղեցական աւանդոյթը, կրօնական փորձն ու աստուածաբանական գիտելիքները, որոնք նպատակ ունեն զօրացնել հաւատացեալի աստուածապաշտական զգացումները, հոգետը ծիրի մէջ պահել նրա անձը եւ նպաստել Աստուծոյ հետ նրա կենդանի հաղորդակցմանը:

Գիտակցելով խրատների այժմեականութիւնը՝ նպատակայարմար նկատուեց իրականացնել դրանց աշխարհաբար թարգմանութիւնն ըստ հետեւեալ հրատարակութեան. «Սրբոյ հօրն մերոյ Գրիգորի Նարեկայ վանից վանականի մատենագրութիւնք», Վենետիկ, 1840, էջ 483-533:

ՅԱԿՈՒԲ ԲԵՆՍԵՆՆ

ԽՕՍԸ ՃԵՍԱՐԻՏ <ԱՄՍԵՐԻ ԵՒ ԱՌԱՔԻՆԱՍԵՐ ՎԱՐՔԻ ՄԱՍԻՆ

Ա

«ամաճայն տէրունական խրատի՝ Տէրն, ըստ պարգեւատր եւ յոգնաւոր բարեբարութեան, առատապէս տալիս է բոլորին եւ չի նախատում, ինչպէս եւ ասաց. «Ով խնդրում է, ստանում է, եւ ով փնտրում է, գտնում է» [Մատթ. Է 8]: Որ նաեւ իմանալի [կերակուրներով]՝ գիտութեան հացով եւ իմաստութեան զինով, զեղեցկապէս կերակրեց քաղցած բանական անձանց եւ քարոզիչների բարձր ձայնով կանչեց հոգետը խրախճանքի՝ ըստ առակողի: Մեզ եւս նոյնն օրինադրեց՝ ասելով «Ամեն մէկի, ով խնդրում է թեզանից, տուր» [Մատթ. Ե 42]: Եւ եթէ բարուք է կարօտեալներին տալ մարմնական պէտքերը, որի փոխարէն եւ պարգեւեց ի սկզբանէ պատրաստուած արքայութիւնը, ո՞րչափ առաւել գովելի է հոգիների դատարկութիւնը բարիքներով լցնել: Եւ հոգին, տիրականի պատկերը լինելով յոյժ առաւել է մարմնից, ինչպէս նաեւ՝ առաջին, մեծ եւ պատուական, իսկ մարմինը հողանիւթ է եւ նրա նկատմամբ երկրորդական, որը Տէրը գործով ցոյց տուեց: Քանզի միայն երկու անգամ է գրուած, թէ Իրեն հետեւող ժողովրդին հացով կերակրեց, բայց կենարար խօսքի վարդապետութեամբ (որը հոգու կերակուրն է՝ ըստ այն [խօսքի], թէ՛ «Մարդ միայն հացով չի ապրի, այլ ամենայն խօսքով, որ դուրս է գալիս Աստուծոյ բերանից» [Բ Օրին. Ը 3]) նշտապէս էր կերակրում նրանց հոգիները՝ ժամանակին լինել, թէ՛ տարածման: Այլեւ իմաստուն ծառայի՝ ծառայակիցներին ժամանակին կերակուր տալու առակով եւ կրկնապատիկ քանջարներ շահողի եւ զլացողի օրինակով նոյնը ցոյց տուեց, թէ պէտք է տալ ամեն մէկի, ով խնդրի [տե՛ս Մատթ. ԻԴ 45-51, ԻԵ 14-30]:

Բ

Իսկ ինձ, ով սիրելի իմ հոգու, հարկաւոր է թեզ տալ երկու եւ ոչ՝ մեկ պատճառով: Առաջինը՝ ըստ Տիրոջ վերը ցոյց տրուած հրամանի, որ օրինադրում է տալ ամեն խնդրողի, եւ երկրորդ՝ ըստ բնական արիւնակցական մերձաւորութեան եւ ընտանութեան: Մրանում ծուլանալիս երկնչում եմ մարգարէի եւ առաքեալի մեծաբարբառ փողերի ձայնից: Մէկինը՝ որ ասում է. «Ընտանիքիդ զուակին չնուստացնես»

[Եսայի ԾԸ 7]՝ անտեսելով, եւ միւսինը՝ «Եթէ մէկը իւրայիններէ եւ մանաւանդ՝ ընտանիքի համար խնամք չի տանում, հաւատքն ուրացել է եւ աւելի չար է, քան անհաւատը» [Ա Տիմ. Ե 8]: Բայց դու զգոյշ եղի՛ր՝ գործով փութալու ասածներին կատարման մէջ՝ ըստ ժիւր եւ հաւատարիմ ծառայի օրինակի, ով արթնութեամբ սպասում էր տիրոջ գալստեանը, «Քանզի ոչ թէ օրէնքը լաղներն են, որ կարդարացուեն, — գրում է առաքեալը, — այլ օրէնքը կատարողները» [Հռոմ. Բ 13]: Քանզի ինչպէս որ ես եմ չտալու դէպքում իբրեւ տէրուական [խօսքն] անտեսող դատապարտում, նոյնպէս էլ դու գործով չհետեւելու դէպքում՝ իբրեւ քարոզուած [խօսքն անտեսող]: Քանզի Ով ասաց, որ տէրուական խօսքի արծաթը յաքցնողին հանեն արտաքին խաւարը, Նա նաեւ ասաց, որ սեղանաւորներին, [այսինքն]՝ մարդկանց լսելիքին, յանձնուածը լաղներից տոկոսով պիտի պահանջուի, եւ իրենց Տիրոջ կամքն իմացողները եւ չկատարողները պիտի զանակոծուեն [տե՛ս Ղուկ. ԺԲ 47]: Բայց Ով բոլոր բարիքների շտեմարանապետն է եւ կամենում է, որ ամենքն ապրեն եւ ճշմարիտ գիտութեանը հասնեն, ըստ բարեւտը կամքի՝ թող տայ արժանապէս օգտուել Իր [բարիքներից] եւ, որպէս գիտութեան խօսքի հաւատարիմ տնտես, որ երկնքից իջած հաց է՝ հոգիների կերակուր, նաեւ թող սնուցի օրէնքով: Չեզ էլ [թող տայ] մտադիւրութեամբ եւ բարոյք հաւանութեամբ ընդունել եւ, ըստ յոգնաբեղուն եւ պարարտ երկրի, պտուղ տալ՝ աննախանձ Մերմանողից կեանքի սերմերի չորրորդ մասն ընդունելով [տե՛ս Մատթ. ԺԳ 1-9]:

Գ

Եւ արդ, սկսենք, որտեղից արժան է սկսել՝ ճշմարիտ հաւատքի դաւանութիւնից, որը բոլոր բարիքների էինքն ու արմատն է: Քանզի եւ Տէրն այս հինք դրեց Իր Եկեղեցուն՝ ասելով առաջին դաւանող Պետրոսին, թէ՛ «Ինչ քո խոստովանութեամբ իբրեւ հաստատուն եւ անշարժ վե՛ն ես, եւ այդ վե՛նի վրայ պիտի շինեն Իմ Եկեղեցին» [տե՛ս Մատթ. ԺԶ 18], այսինքն՝ համազոյ եւ զուգական Երրորդութեան բոլոր հաւատացեալները եւ ճշմարիտ խոստովանողները: Նաեւ՝ Եկեղեցին շինող Պօղոսն ասում է. «Շինուած առաքեալների եւ մարգարէների հիման վրայ» [Եփես. Բ 20] եւ թէ՛ «Իբրեւ իմաստուն ճարտարապետ՝ հինքը դրեցի» [Ա Կորն. Գ 10], [այսինքն]՝ առ Մուրք Երրորդութիւն հաւատքը, որի վրայ գեղեցկապէս կառուցուած է բոլոր առաքիւնութիւնների շինուածքը:

Դ

Եւ արդ, այս է ճշմարիտ հաւատքի դաւանութիւնը հաւատալ Հայր Աստծուն՝ [որպէս] ճշմարիտ Էութիւն, կատարեալ Գոյ, անեղ, անսկիզբ, անժամանակ, անպատճառ, անիմանալի, անտեսանելի, անճառելի, անհաս, պարզ, անզնիւն, անվերջ, անսահման, աներբ, անուր, անբովանդակելի, անալյալելի, անփոփոխ, գերաբուն, գերագոյ, գերալոյս, գերանճառ: Ոչ որեւէ մէկից է եղել եւ ոչ էլ՝ Ինքն Իրեն ստեղծել: Ոչինչ [չկայ] Նրանից առաջ, եւ ոչ՝ Նրա պէս երկրորդը, այլ Ինքն է ամէն ինչի սկիզբն ու պատճառը՝ համագոների՝՝ ծննդեամբ եւ բխմամբ, եւ արարածների՝՝ արարչութեամբ:

Ե

Իսկ Նրա միածին Բանը եւ Մնունը խօսքից վեր է Էութեան կերպարանք եւ ճառագայթ, կենդանի նկարագիր եւ կնիք, իմաստութիւն եւ զօրութիւն, Հօր բոլոր աստուածավայելոյ կոչումներն էալիս ունեցող՝ որպէս նոյնագոյ բնութիւն: Աստուած՝ Աստուոց, անեղ՝ անեղից, անժամանակ՝ անժամանակից, կեանք՝ կեանքից, լոյս՝ լոյսից: Հօրից կրտսեր չէ, թե՛ն ծնունդ է, այլ որքան Հայրը հայր է, [այդքան] էլ Որդին՝ որդի: Քանի որ եթէ հայր է, ապա որդու հայր է եւ, որդի չունենալով, հայրութիւն ունենալ չի կարող, նոյնպէս էլ չի լինում որդի առանց հօր, այլ երկուսի էլ յատկութիւնները միմեանցով են ճանաչուած:

Զ

Եւ Մուրք Հոգին՝ անճառաբար բխում Հօրից՝ ոչ Որդու պէս՝ ծննդեամբ, այլ՝ Էութիւնից ելալութեամբ, ինչպէս՝ «Ճշմարտութեան Հոգին, որ ելնում է Հօրից» [Յովհ. ԺԵ 26]. Էակից՝ Հօրը եւ փառակից՝ Որդուն: Նոյն բնութեամբ՝ հաղորդ եւ զուգահաւասար համագոների ամէն ինչին, ինչ որ ասուեց Հօր եւ Որդու անեղութեան եւ [միւս յատկութիւնների] մասին: Որովհետեւ ոչ մի առաւելութիւն եւ կամ նուազութիւն չի տեսնուում պաշտելի Երրորդութեան մէջ, այլ ամբողջովին զուգահաւասար միութիւն է, բացի անձերի յատկութիւններից եւ նրանց հետեւող բաներից: Այսինքն՝ Հայրը հայր է, Որդին՝ որդի, եւ Հոգին՝ հոգի: Եւ Հօրը չպէտք է համարել եւ կամ ասել Որդի եւ կամ Հոգի, եւ ոչ Որդուն՝

* համազոյ — էակից, ի նկատի ունի Որդուն եւ Մուրք Հոգուն

Վայր կամ Վոզի, եւ ոչ Վոզուն՝ Վայր եւ կամ Որդի: Այլ Վայրը միշտ Վայր է, եւ Որդին՝ միշտ Որդի, եւ Վոզին՝ միշտ Վոզի Աստուծոյ:

Է

Եւ, ըստ անձերի, յատկութիւնները եւս տարբերում են, որոնք են՝ ճնողութիւն, ծնելութիւն եւ ելողութիւն: Քանզի երբք Վայրը ճնող կամ ելողութիւն չէ, եւ ոչ Որդին՝ ճնող կամ բխում, եւ ոչ Վոզին՝ ճնող կամ ճնող: Այլ ճնողութիւնը միշտ պատշաճ է Վորը, ծնելութիւնը՝ Որդուն, եւ ելողութիւնը՝ Վոզուն, քանզի ինչպէս որ անձերն են անփոփոխելի, այդպէս էլ յատկութիւնները: Վայրը համագոների ճնողն է եւ ելողութեան պատճառն ու սկիզբն է: Բայց եթէ մէկը, այս [իմանալով], կարծում է, թէ ժամանակական են, ապա [թող իմանայ, որ] եւ անպատճառ են, եւ անսկիզբ՝ նոյնագոյ բնութեամբ՝ սկզբի եւ պատճառի հետ մշտնջենաբար լինելով: Եւ համարունների* մէջ չկայ աւագութիւն եւ կրտսերութիւն, մեծութիւն եւ փոքրութիւն, անեղութիւն եւ եղելութիւն, այլ ամէն բանով, բացի անձնատրութիւններից, հաւասար են եւ մի՝ բնութեամբ, աստուածութեամբ, անեղութեամբ, զօրութեամբ, մեծութեամբ, փառքով, պատուով, անհասութեամբ, անտեսանելիութեամբ, անճանելիութեամբ, իմաստութեամբ, բարութեամբ, արարչութեամբ եւ նախախնամութեամբ: Անեղ է եւ եղականներին** իմանալիների եւ զգալիների ստեղծիչ, լոյս՝ եւ լոյսի արարիչ, կեանք՝ եւ ամէն ինչի կենդանաբար, իմաստութիւն՝ եւ բոլորի իմաստարար, սուրբ՝ եւ սուրբերի սրբարար, բարի՝ եւ բարիքներ պարգեւաբաշխող, զօրաւոր՝ եւ զօրացածների զօրացուցիչ, կատարել՝ եւ կատարելաների կատարելագործ, լի՝ եւ կարօտելաներին լցնող, յախտեանական՝ եւ յախտեանների*** գոյացուցիչ, անժամանակ՝ եւ սահմանիչ ժամանակների: Քանզի ժամանակներն ու յախտեանները եւ դրանց հետ իմանալիներն ու զգալիները Նրանով եւ Նրա հրամանով եղան եւ կառավարում են ու մնում անքակտելի հաստատութեան մէջ: Մա՛ է Երբորդութեան համառօտ դաւանութիւնը, որին պէտք է յարել նաեւ Բանի տնօրինութեան խորհուրդը:

* համարուն— համագոյ, եակից
** եղական— արարած, ստեղծուած
*** յախտեան— 1. դար, դարաշրջան, 2. յախտեանականութիւն պարունակող եակ, գոյաւոր. այսպէս օրինակ յախտեաններ են հրեշտակները, մարդիկ են

Ը

Քանզի այս Երեք անբաւ Աճներից Մէկը՝ Վորից նախքան յախտեաններն անժամանակ եւ անմարմին ծնուածը, Վոզուն եակիցն ու փառակիցը, համարունների կամքով եւ հաճութեամբ իջնում է անճանելի փառքից եւ անբաւ բարձրութիւնից՝ նորոգելու եղծուած եւ ապականուած իւրաստեղծ պատկերը՝ կիրարկելով ոչ թէ ամենակարող իշխանութեան բնական զօրութիւնը, այլ բազմապատիկ ամենահեղա իմաստութիւնը: Վեշտակապետի անտունով բնակուում է ամենբջջանիկ եւ փառաւորեալ Կոյս Մարիամի՝ Սուրբ Վոզով մաքրուած արգանդում եւ նոյն բնութիւնից հոգով եւ մտքով մարմին առնում: Կատարեալ մարդ եւ ճշմարիտ Աստուած՝ անշփոթ միութեամբ միաւորելով անխառնելիները՝ նոր եւ սքանչելի միութեամբ: Քանզի Աստուածութեան անյօդ եւ անմարմին էութեան պարզութիւնը չփոխուեց մարմնի նիւթական եւ յօդաւոր թանձրութեան, եւ մարմնի նիւթաւոր եւ թանձր բնութիւնը չդարձաւ անօսը եւ աննիւթ Աստուածութեան պարզութիւն, այլ երկու բնութիւնների յատկութիւններն էլ անշփոթ պահուեցին եւ անճառապէս միացան ամէն միացումից եւ միութիւնից վեր: Մի Որդի եւ մի Տէր Յիսուս Քրիստոս՝ երկու կատարելաներից: Եւ հրակիր որովայնի քուրաներում Ամենարուեստն առաջին անապականութեամբ վերստին ձուլեց մեր բնութիւնը: Եւ քանի որ մարդկութիւնը ոչ թէ մասամբ էր մեղքեղով ապականուած, այլ ամբողջովին՝ հոգով, մարմնով եւ մտքով, ուստի Բանն ամբողջն առաւ եւ Իրեն միաւորեց, որպէսզի Իր անմեղութեամբ եւ անապականութեամբ մեղանշակաւն անմեղ դարձնի, ապականուածը՝ անապական:

Թ

Եւ մարդկային բոլոր կրօները՝ կրեց բացի մեղքերից: Այսինքն՝ քաղցեց [Նա], որ կերակուր է տալիս բոլոր կենդանի [արարածներին]: Մարտեց՝ որ կենաց ջուրն է պարգեւում Իրեն հաւատացողներին: Յոգեց՝ որ հանգիստն է աշխատաւորների: Ննջեց՝ որ անքուն պահում

* կիրք—աստուածաբանական եզր է, որով բնորոշում է մարդկային բնութեան այս կամ այն կերպով հարկաւորութեան, փոփոխութեան եղանակայ լի- նելը

էր Իսրայելը: Արտասուեց՝ որ սրբեց ամեն արտասուք բոլոր դեմքերից: Հրեց աշխարհում երեսուն տարի՝ լեռով եւ Իր Աստուածութեան փառքը ջայտնելով մինչեւ կատարեալ հասակի լրումը: Այնուհետեւ մեղքերից ամենամաքրուածն ու մաքրութեանն անկարօտը գալիս է մկրտուելու:

Մկրտում է ամբողջօրեայ մեզ մաքրութեան շնորհները ցոյց տալով: Վկայում է Հօրից սիրելի Որդի եւ Նրա կամքը կատարող մեզ Հօրը որդեգրութեան բերելով: Յայտնի է դառնում նաեւ ազգակից Հոգուց՝ աղանակերալ իջմամբ, որը մեզ վրայ իջման պարգեւն է խորհրդանշում: Հոգու կողմից տարւում է անապատ, պահուած քառասուն օր եւ մեր [բնութեամբ] յաղթում փորձողին՝ մեզ պարգեւելով յաղթութեան շնորհն ու պսակը եւ ուսուցանելով մեզ պահով յաղթել փորձողին: Եւ, գոռոզիկն տիրելով ու հսկային կապելով, այնուհետեւ մեծ զօրութեամբ վերադառնում է ազգաւելու անիրաւ ստացուածքները, որոնք յափշտակուած էին պատրանքներով եւ ոչ՝ զօրութեամբ: Եւ դնում է ճշանցների ու վարդապետութեան սկիզբը, որով գերողից վերադարձնում է ողջ կողոպտուածը:

Ժ

Եւ այս ամենը կատարելուց յետոյ, ըստ նախատեսների կանխաձայնութեան, կամաւորաբար չարչարանքների է գալիս: Քանզի թելւտ եւ մարմնաւորմամբ եւ անմեղութեամբ մեր բնութիւնը սրբեց եւ արդարացրեց Հօր, հրեշտակների եւ այս աշխարհի կարծեցեալ իշխանի առջեւ (Քանզի [չարն] իրենից ոչինչ Նրա մէջ չգտաւ), բայց նախագործ մեղքի պարտքը տակալին կար մեր բնութեան վրայ: Ուստի պարարտ եզն ու անմեղ Գառն Իր անմեղ մարմինը Հօր՝ արարածների հետ հաշտութեան նուէր եւ պատարագ է տալիս եւ վերցնում աշխարհի մեղքը: Եւ քանի որ աստուածային անչարչարելի եւ անմահ բնութեանն անհնար էր չարչարանք եւ մահ ընդունել, ուստի եւ չարչարելի մարմին առաւ, որպէսզի անչարչարը չարչարելի [մարմնով] չարչարուի, եւ անմահը մահկանացու [մարմնով] մեռնի եւ պատժապարտութիւնս ազատի յանցաւորութեան դատապարտութիւնից: Եւ ոչ թէ անձամբ այլ ոք էր, որ չարչարում էր, եւ այլ ոք՝ որ չէր չարչարում, եւ կամ ուրիշ էր, որ մեռնում էր, եւ ուրիշ՝ որ անմահ մնում, այլ միեւնոյն Աճճը, լինելով չարչարանքներում, անչարչարելի էր, եւ մահուան մէջ՝ անմահ:

ԺԱ

Եւ ոչ՝ այսքանը միայն, այլեւ, անպարագիր եւ անվարպակ բնութիւն լինելով, խաչի վրայ էր եւ Հօր աջ կողմում, գերեզմանում եւ քառակերպեան աթոռի վրայ, դժոխքի ստորին վայրերում եւ բոլոր բարձրութիւններից էլ վեր: Դպիրներից եւ փարիսեցիներից՝ թշնամանուած, եւ սերովբէներից՝ Հօր եւ Հոգու հետ սրբաբանուած: Մարմնով գերեզմանում էր, եւ հոգով՝ դժոխքի խաւարաբնակ արգելարաններում: Աստուածութիւնը զատուած չէր մարմնից եւ կամ հոգուց: Աստուածապէս եւ ինքնիշխանաբար յարութիւն առաւ նոյն մարմնով, որով չարչարուեց եւ մեռաւ: Երեսաց աշակերտներին եւ հաստատեց նրանց յարութեան հաւատքի մէջ՝ տեսանելի լինելով, շոշափմամբ, խօսելով եւ կերակուրներին մօտեցալով: Համբարձուեց երկինք՝ դէպի հայրենի սեփական փառքը, եւ նստեց Հօր աջ կողմում, Որից երբէք չհեռացաւ: Խոստացաւ միս անգամ հայրենի փառքով գալ եւ դատողական իշխանութեամբ բոլորին ստուգապէս յարութիւն տալ մշտնջենաւոր անմահութեան մէջ, որն այժմ յոյսով նորոգեց: Հակիրճ խօսքով այս է ճշմարիտ դաւանութեան հաւատքը՝ Հօր եւ Հոգու կամքով մեզ համար մարդացածի՝ միածին Բանի, փրկական տնօրինութեան:

ԺԲ

Բայց պէտք է իմանալ, որ թելւտ հաւատքի անուընդ մէկ է, սակայն բազում մասերի է բաժանուած: Քանզի ողջ հաւատքի մեծ եւ առաջին հիմքն ու արմատը վերը գրուածն է, բայց սրանից յետոյ պէտք է հաւատալ Աստուծուց մեզ տրուած բոլոր փրկական խորհուրդներին: Այսինքն՝ հաւատալ Զրիստոսի տիեզերական Եկեղեցուն՝ ուլքեր ճշմարիտ եւ աներկբայ հաւատով խոստովանում են համագոյ եւ պաշտելի Երրորդութիւնը եւ Միածնի ներմարդութեան խորհուրդը, որ Աստուած է եւ կատարեալ մարդ, եւ անչարչարելի ու անմահը մեզ համար չարչարուելի է մեռելի, յարութիւն առել, երկինք համբարձուել եւ Հօր աջ կողմում նստել, որ նաեւ գալու է միս անգամ: Այն ամենքին, ուլքեր այս խոստովանութիւնն ունեն, ըստ առաքեալի՝ համարել որպէս Զրիստոսի մի Եկեղեցի եւ մի Գլխի՝ Զրիստոսի մարմին եւ անդամներ: Որեւէ եկեղեցական չնչին աւանդութեան պատճառով հայիոյական խօսքով չբաժանել եւ չմասնատել Զրիստոսի Մարմինը, որը խաչով եւ չարչարանքներով ստացաւ, փրկական Արեամբ գնեց, սրբեց եւ Իրեն

ԺԳ

Հաւատալ նաեւ սուրբ Մկրտութեանը, թէ ամէն յանցանք մաքրում եւ մարմնի ախտաւոր ծնունդներին անախտաբար ծնում է որպէս երկնաւոր Հօր որդիներ, Միածնի եղբայրներ, Սուրբ Հոգուն հաղորդակիցներ եւ երկնքի արքայութեան ժառանգորդներ:

ԺԴ

Հաւատալ նաեւ Աստուծոյ Որդու Մարմնին եւ Արեանը, որ պատարագում է սուրբ Սեղանի վրայ, թէ այն ճշմարտապէս Քրիստոսի Մարմնին ու Արիւնն է: Քանզի այն խօսքով, որ ասաց, թէ երկինքն ու երկիրը, որ անխափանելի են եւ հաստատուն, աւելի դիւրաւ կանցնեն, քան թէ Իր ասած խօսքն անկատար մնայ, նոյն խօսքով ասաց. «Այս է Իմ Մարմնին ու Արիւնը՝ մեղքերի քաւութեան եւ թողութեան համար» [Մատթ. ԻԶ 26-28, Մարկ. ԻԴ 22-25, Դուկ. ԻԲ 14-20], որը տուեցի հաւատքով եւ սրբութեամբ ճաշակողներին: Ուլքեր թեպէտ եւ մեղաւորներ են, սակայն, խոստովանութեամբ եւ ապաշխարութեամբ սրբուելով, այս ճշմարիտ կենդանութեան ճաշակմամբ մերձենում են Ինձ եւ բնակում Իմ մէջ, եւ Ես՝ նրանց մէջ: Որ թէւ մարմնով մեռնում էլ են, սակայն, իրենց մէջ ճշմարիտ կեանքի սերմն ունենալով, հոգեւոր զարմանը, որը հասարակաց յարութիւնն է, բողբոջելով վերստին նորոգում են ճշմարիտ եւ անմահ կենդանութեամբ՝ չտաճալով հոգիների մահուան դառնաշունչ ճաշակումը յաւիտեան:

ԺԵ

Հաւատալ նաեւ մեղքերի ապաշխարութեանը, որը մարդասէր Աստուած, «Ով չի կանենում մեղաւորի մահը, այլ՝ նրա դառնալը չար ճանապարհից եւ ապրելը» [Եզեկ. ԼԳ 11], իբրեւ մեղքերի լուսցման եւ սրբման օճառ տուեց Եկեղեցուն: Քանզի թեպէտ եւ Նրա առաջին կամքը մեր՝ սրբութեամբ եւ արդարութեամբ անմեղութեան մէջ մնալն է, սակայն, որպէս մեր բնութեան Արարիչ, զիտի մեր տկարութիւնը, թէ դիւրագայթ ենք ու սխալական եւ հանապազ ցած ենք ընկնում առաջինութեան բարձրութիւնից: Ունենք նաեւ յոգնահնար եւ բազմարուեստ, չարիք գործելու մէջ իմաստուն մարտակից թշնամի: Ուստի երկրորդ կամքով,

ինչպէս առաջինով, ըստ Իր բազում ողորմութեան, անոխակալ գթութեան եւ այնքան սիրոյ, որ բարերար Հայրն Իր Որդուն մահուան մատնեց մեզ համար, Միածինը՝ Իրեն, եւ Սուրբ Հոգին՝ Փառակցին, տուեց նաեւ ապաշխարութիւն, որպէսզի Քրիստոսի անդամներից մեղքերով նեխածներն ու հատուածներն ապաշխարութեամբ առողջանան եւ, վերստին Գլխին պատկանելով, միանան: Ուստի պէտք է հաւատալ, որ զոջմամբ եւ խոստովանութեամբ, արտասուքով եւ ողորմութեամբ, պահելով եւ աղօթքով եւ սրանց նման բարեգործութիւններով, թէ որքան էլ որ մեծամեղ լինեն, թէ մեղքերը մրի պէս անլուանալի սեւ լինեն, իբրեւ ձիւն կսպիտակեն, եւ թէ արեան պէս կարմիր լինեն՝ ասես որդան կարմիրով անելանելի կերպով ներկուած, իբրեւ մաքուր բուրդ կարբունեն:

ԺԶ

Հաւատալ նաեւ մեռելների յարութեանը եւ յաւիտեանական դատաստանին: Մա ե բոլոր բարեգործութիւնների սկիզբն ու արմատը, առանց որի անհնար է հաճոյ լինել Աստծուն: Քանզի եթէ մէկը յարութեան յոյսով հաստատուած չէ, ինչպէ՛ս է անձն առաջինութեան ճգնութիւններից յանձնում: Եւ եթէ դատաստան մտնելու ակնկալութիւն չունի, ե՛րբ է հեռու մնում մեղքերից: Քանզի եթէ, յարութեանը հաւատալով եւ դատաստանն ակնկալելով, օրըստօրէ շատացնում ենք չարիքները, ի՛նչ կգործէինք, եթէ չլինէր դատաստանի երկիրը՝ իհարկէ, համարձակօրէն ցոյց կտայինք մեղքերի բոլոր զարշութիւնները սպանութեամբ, զրկանքներով, անիրաւութեամբ, յափշտակութեամբ, պտճկութեամբ, արուագիտութեամբ, հպարտութեամբ, նախանձով, ատելութեամբ եւ սրանց նման պէս-պէս ու բիրապատիկ չարիքներով: Ուստի յոյժ կարեւոր է յարութեանն ու դատաստանին հաւատալը, քանզի, բերաններս իբրեւ սաճնոր ունենալով, չարի յարձակումները ետ կշարտենք եւ առաջինութիւնների մէջ առաջ կընթանանք:

ԺԷ

Հաւատալ նաեւ այն բանին, որ ոչ միայն հոգիների յարութիւն եւ դատաստան է լինելու, ինչպէս ոմանց թուաց, այլեւ՝ մարմինների եւ մանաւանդ՝ սրանց, քանզի հոգին անմահ է, եւ մահն էլ ոչ այլ ինչ է, եթէ ոչ՝ հոգու անջատումը մարմնից: Այդպէս եւ՝ յարութիւնը անլուծանելի միառորութեամբ նրանց վերստին միմեանց կապելու համար է: Եւ ինչպէս այստեղ լաւ կամ վատթար վարքով միասին ապրեցին,

նմանապես էլ այնժամ միասին կվայելեն կամ կտանջուեն: Եւ ոչ թէ, ըստ
ոմանց երեսակայութեան, ուրիշ մարմին պէտք է յարութիւն ամենի
փոխանակ նրա, որ մեռաւ, այլ՝ նոյն վախճանուածը: Քանզի անիրաւ չէ
Աստուած, որ մէկին միւսի փոխարէն պատժի եւ կամ պսակի, այլ, ըստ
առաքեալի, «իրաքանչիւր ոք ստանում է այն, ինչ գործել է առաջ իր
մարմնով՝ լինի չար, թէ՛ բարի» [տես Բ Կորն. Ե 10]:

ԺԸ

Դարձեալ հաւատալ, թէ երկնաւոր արքայութիւնն ու յաիտենական
կեանքն ընդունելու են դրան արժանացածները: Քանզի այս է, որ
թեթեւացնում է օրէնքի բեռը, քաղցրացնում պատուիրանի լուծը,
դարձնում դժուարինը դիւրին, առապարդ՝ հարթ ճանապարհ, եւ անձուկն
ու նեղը՝ աւելի դիւրակոխ, քան լայնն ու ընդարձակը: Այս նոյն
հաւատքն էր, որ զօրացաւ մարմնի բոլոր ընդդիմահարներին դէմ, հուրն
ընդդռնեց, սուրը բթացրեց, գազանների հետ մարտնչեց, կապանքները
խզեց, զէնքերը խորտակեց, աղեղները փշրեց, քաղցն արհամարհեց,
մերկութիւնը քամահրեց, բռնաւորներից չերկնչեց, սահուան դէմ
խրոխտացաւ եւ իր վրայ ելած բոլոր ներհակ զօրութիւնները
միանգամից կործանեց:

ԺԹ

«Հաւատքի այս վայելչական կարգը կգտնես նաեւ Նիկիոյ սուրբ եւ
տիեզերական Ժողովի ընդհանրական դաւանութեան մէջ, որն օրըստօրտ
բազմազան լեզուներով սեփականացնում են հաւատացեալների դասերը
մեծերն ու փոքրերը: Քանզի համարուն եւ պաշտելի Երրորդութիւնը եւ
Ներմարդութեան տնօրինութիւնը խոստովանելուց յետոյ աւելացնում են,
թէ՛ «Հաւատում ենք նաեւ հետեւեալին՝ միայն ընդհանրական եւ
առաքելական Եկեղեցուն, մի մկրտութեանը, ապաշխարութեանը,
մեղքերի թողութեանը, մեռելների յարութեանը, հոգիների եւ
մարմինների յաիտենական դատաստանին, երկնքի արքայութեանն ու
յաիտենական կեանքին»: Սա է առաքեալների եւ մարգարէների հիման
վրայ շինուած հաւատքի լիակատար եւ անթերի խոստովանութիւնը:

Ի

Սակայն կատարեալ փրկութիւնն առանց առաքինութեան գործերի,

ինքնզստինքեան չի լինում, քանզի «Առանց գործերի հաւատքը մեռած է»
[Յակ Բ 26],— ասում է առաքեալը, ինչպէս եւ գործերը՝ առանց
հաւատքի: Քանզի գրուած է, թէ դեւերը եւս հաւատում են: Եւ ոչ միայն
հաւատում են, այլ նաեւ՝ սարսափում, բայց ոչինչ չեն շահում առանց
գործերի: Այլ [Նրանք], ովքեր պէտք է արքայական թագ պատրաստեն՝
երկնաւոր Թագաւորին ընծայելու, մանաւանդ որով իրենց հետ
կպսակուի Գլուխը՝ Քրիստոս, ըստ Սողոմոնի՝ հաւատքի մաքուր ոսկով
եւ առաքինութեան զանազան քարերով [այն] պէտք է պատրաստեն:
Քանզի այս բանի գիտակ Ղօղոսն էլ ասում է «Եւ, իբրեւ իմաստուն
ճարտարապետ, հաւատքի վարդապետութիւնը հիմք դրեցի, բայց այլ է
շինողը, եւ իւրաքանչիւր ոք զգոյշ պէտք է լինի, թէ ինչպէս շինի՝ քանզի
եթէ մէկը հաւատքի հիմքի վրայ շինի ոսկով, արծաթով, թանկարժէք
քարերով, փայտով, խոտով, եղէգով» [տես Ա Կոր. Գ 10 եւն]: Դրանք
գործերն են. ոսկին խոհական իմաստութիւնն է, արծաթը՝ բանական
առաքինութիւնը, թանկարժէք քարերը՝ պէս-պէս ու զանազան
բարեգործութիւնները: Իսկ փայտը, խոտն ու եղէգը չարագործութիւնն
են ցոյց տալիս: Փայտով ցոյց է տալիս մեծագոյն ու գործով կատարուող
մեղքերը, որոնք մարմնին են յատուկ, դիւրաշարժ եւ անհաստատ
եղէգով՝ լեզուի միջոցով՝ յոգնաշարժ խօսքերով յանցանքները, եւ
յոզնաբոյս խոտով՝ մտքի բազմապատիկ եւ բիւրակերպ շարժումների
սխալները: Եւ աւելացնում է, թէ՛ «Իւրաքանչիւր գործ յայտնի է դառնալու,
քանզի Դատաստանի Օրը ընտրութիւն է լինելու, քանի որ հրով է
յայտնուելու Դատարը, եւ իւրաքանչիւր գործ, ինչպիսին էլ լինի, հուրն
է փորձելու» [տես նոյնը]: Քանզի եթէ ոսկի է կամ արծաթ, երբն ոչ
միայն կու չի գնայ, այլեւ էլ առաւել պարզուելով կպայծառանայ, եւ եթէ
ժանգի չնչին խառնուրդ էլ ունէր, կսրբուի եւ ճառագայթաձեւ կփայլի:
Իսկ եթէ փայտ է, խոտ կամ եղէգ, շուտով այրուելով կապականուի: Եւ
որպէսզի չկարծեն, թէ կիզուող գործերի հետ գործողը եւս այրուելով
ոչնչանալու է, աւելացնում է/թէ՛ նա այրելու է: Եւ որպէսզի այնպէս
չիմանա, թէ ճշմարիտ կեանքում է [այրելու], աւելացնում է՝ այլ՝ որպէս
թէ հրում՝ այն ցոյց տալով, թէ անմահ է եւ կիզելի միշտ այրուած է եւ չի
մեռնում:

ԻԱ

Եւ արդ, այսպիսի գեղեցիկ, աստուածահաստատ եւ առաքելաշէն հիմքի
վրայ, որը ոչ հողմից է շարժուած, ոչ տեղումներից ընկնում եւ ոչ

գետերի վարարումից կործանում, որոնք ցոյց են տալիս զանազան փորձութիւնները, շինուածքն այնպիսի նիւթերով է պէտք կառուցել, որոնք, ընտրութեան հրին մերձեցալով, պայծառանում են եւ ոչ թէ՛ ապականում. դրանք հոգեկան եւ մարմնական առաքինութիւններն են:

ԻԲ

Եւ ջանգի բանական հոգին, լինելով իմանալի, վերիններին ազգակից եւ տիրականի պատկերը, ամէն ինչով մարմնից նախադաս է եւ պատուական, իրաւացի է նախ նրա մասերը զարդարել իրեն յատուկ ու բնական առաքինութիւններով: Եւ որովհետեւ հոգին արարչագործ հրամանով եւ կարգադրութեամբ եռամասնեայ է՝ ունի խօսք, ցատու եւ ցանկութիւն, որով ճշմարտապէս ըստ բնականի է շարժում, ոչնչով վերինների նմանութիւնից ետ չի մնում: Եւ սրանցից իւրաքանչիւրն ունի իրեն յատուկ առաքինութիւն: Բանականի առաքինութիւնը խոհականութիւնն է, ցասմականիինը՝ արիութիւնը, իսկ ցանկականիինը՝ ողջախոհութիւնը: Խոհականի գործը խորհելն ու լաւը վատթարից ընտրելն է: Արիութեանը՝ խոհականի կողմից ընտրուածը ջաջապէս եւ արիաբար կատարելը: Իսկ ողջախոհութեանը՝ ըստ ընտրութեան եւ կատարման՝ դէպի առտուածային սերը բորբոքելը, որով իրենից նախադասներին սիրոյ ջերմութեամբ աւելի է զօրացնում [իրենց] բնական կարողութիւնների մէջ:

ԻԳ

Բայց պէտք է տեսնել նաեւ սրանց բարեձեւ կարգաւորութիւնը: Զանգի բանականը, որպէս միւսներից առաւել վեհ, առաջ է դասուում եւ իշխան ու հրամանատար է նրանց վրայ, ջանգի նրա գործը խորհելը եւ, ըստ նոյնի, արժանին աւանդելն է երկուսին էլ՝ ցասմականին եւ ցանկականին: Իսկ ցասմականի գործը հուանութեամբ եւ արիութեամբ հրամայուածներին հետեւելն է, նաեւ՝ սաստ ունենալը ցանկականի վրայ, որպէսզի բանականից իրեն աւանդուածը ճշմարիտ ցանկութեամբ ամբողջական եւ անբարտ պահի Աստուծոյ եւ աստուածային պատուիրանների հանդէպ: Եւ բանականն ինքնիշխան է՝ չունենալով իր վրայ կարգակիցներից եւ ոչ մէկի իշխանութիւնը: Իսկ ցասմականը կառավարում է բանականից եւ ինքն իշխում ցանկականի վրայ: Ցանկականն էլ կառավարում է ցասմականից եւ ինքն ուրիշի վրայ չի իշխում:

ԻԴ

Այս է ցոյց տալիս նաեւ նրանց տեղակայումը մարմնի մէջ: Զանգի բանականը տեղակայուած է գլխում, խելապատակում եւ ուղեղում: Եւ ինչպէս որ գլուխը մարմնի անդամների մէջ, [որպէս] վեհ եւ առաջին, նախադաս լինելով, իբրեւ թագաւոր է, իշխան եւ հրամանատար ամբողջ մարմնի համար, այդպէս էլ խոհականը, արքունի աթոռն այդտեղ ունենալով, որպէս թագաւոր իշխում է ցածում գտնուողների՝ ցասմականի եւ ցանկականի վրայ: Ցասմականը տեղակայուած է գլխից ներքեւ՝ սրտում, կառավարում է իրենից բարձր կանգնած բանականից եւ ինքն էլ իշխում ցանկականի վրայ, որը նրանից ցած է գտնուում: Իսկ ցանկականը բնակուում է երիկամներում եւ ստորին որովայնում, ուստի եւ կառավարում է իրենից բարձր կանգնած ցասմականից եւ ինքն չի իշխում ոչ մէկի վրայ, ջանգի եւ չկայ նրանից ցածը որեւէ զօրութիւն, որ հնազանդուի նրան:

ԻԵ

Այս բարոք կարգաւորութիւնը տեսնում է նաեւ յոյժ հրաշափառ եւ պատկառելի օրինակով: Զանգի Աստուած, ինքնիշխան եւ բոլոր ստեղծուածների վրայ թագաւոր լինելով, իշխում է բոլորի վրայ, ուստի եւ՝ մարդու վրայ, եւ Ինքն անիշխան է: Եւ մարդուն Իր պատկերով ստեղծեց եւ ասաց, որ իշխի Իր իշխանութեան ներքոյ [գտնուող] երեւելի արարածների վրայ: Իսկ զգալիները մարդու իշխանութեան տակ են եւ իրենք ոչ մէկի վրայ չեն իշխում:

ԻԶ

Արդ, որքան այս կարգաւորութիւնը, ըստ բնական սահմանի, վայելչապէս շտկուում է մեզանում, ամէն ինչ բարեձեւ եւ ըստ առաքեալի կարգի կլինի, եւ տէրունական պատուիրանի հրամանը մեզանում անխափան կկատարուի: Զանգի խոհականն աստուածայինի մէջ միշտ կխոկայ՝ ըստ Սուրբ Գրքի «Թո՛ղ այս խօսքերը լինեն քո սրտում եւ քո անձի մէջ, եւ կխօսես նրանցով տանը նստելիս, ճանապարհ գնալիս, ննջելիս եւ արթնանալիս» [տես Բ Օրին. Զ 6] եւ ըստ միւսի էլ՝ «Տիրոջ օրէնքի շուրջ կխորհի նա օր ու գիշեր» [Մադ. Ա 2]: Եւ ջանի որ ամէն գործ՝ լինի բարի, թէ՛ չար, նախ խորհում են եւ ապա՝ կատարում, եւ առանց խորհելու որեւէ բան մէկը չի գործում, ապա ուրեմն, ով բարոք եւ ճիշտ

է խորհում, ըստ նոյնի էլ գործն է կատարում: Եւ երբ խոհականն իր իշխանութիւնը եւ գործն ամբողջական է պահում, իշխում է ցասմնականի վրայ եւ հրաման տալիս՝ [կատարելու] բոլոր առաքինութիւնների գործերը, եւ ցասմնականը, արիւթեամբ եւ քաջութեամբ բոլորին հպատակուելով, բարւոջ կատարում է: Նոյնպէս էլ ցասմնականը, ըստ բնականի, հնազանդում է բանականին եւ իշխում ցանկականի վրայ: Իսկ ցանկականը, բնականը ճիշտ եւ ամբողջական պահելով, չի ապստամբում ցասմնականի՝ հրամանից, այլ, որպէս հլու ծառայ, հնազանդութեամբ կմտարում է բոլոր հրամանները՝ եղջիւղներ չբարձրացնելով որեւէ մէկի վրայ, որովհետեւ նրա իշխանութեան տակ որեւէ մէկը չկայ:

ԻԷ

Քանականն ունի մէկ այլ մաս եւս, որ կոչւում է արդարութիւն: Եւ սա բոլոր մասերի կառավարիչը, ուղղիչն ու դատաւորն է: Քանզի բանականն նրանով է, որպէս գործիքով, բոլորին ուղղում եւ իւրաքանչիւրին անսայթաք պահում իր բնական շարժումների մէջ: Եւ երբ այս այդպէս է լինում, այնուհետեւ է բանականը խոհական, ցասմնականը՝ արիական, եւ ցանկականը՝ ողջախոհական: Եւ սրանից յետոյ մարդու մէջ Տիրոջ կամքի եւ պատուիրանների կատարման խափանիչ եւ արգելիչ ոչինչ չկայ, ըստ որի՝ [Աստուած] զօրութիւն դրեց մեր մէջ եւ պահանջում է կատարումը: Քանզի բանականը ճշմարիտն ու օգտակարն է խորհում, արդարութիւնը բաժանում ստորականերին, եւ նրանք էլ անխափան կատարում են: Իսկ ցասմնականը խոհականի ձեռքին իբրեւ ընտանի գազան է, այսինքն՝ շուն: Վերջիններս երկու բնական շարժում ունեն տերերին եւ ընտանիքը սիրում են, շողոքորթում եւ ջծնում, իսկ օտարներին եւ անընտելներին գազանային, վայրենի եւ պատառոզ բարձր ու գործառնութիւն ցոյց տալիս: Նոյնպէս էլ ցասմնականը, երբ բնականը ճիշտ է պահում, երեւում է իբրեւ բանականի ամէն բարւոջ խորհուրդ արհաբար սիրող, կատարող եւ ցանկացող: Իսկ հակառակ, ոչ ընտանի եւ օտար խորհուրդներին եւ գործերին մեծ ցասմանք ընդդէմ է ելնում, ջշում եւ կամ չարաչար պատառում՝ բնաւ թոյլ չտալով դաւել ընտանիներին:

ԻԸ

Նմանապէս էլ ցանկականը, արիականի վերակացութեամբ բնականօրէն

շարժուելով, լինում եւ անուանում է ողջախոհութիւն եւ սեր՝ անշարժ լինելով ախտաւոր ցանկութիւնների եւ դիւրաշարժ՝ բոլոր բարիքների սիրոյ եւ բաղձանքի հանդէպ: Եւ արդարութեան սատարութեամբ ճշմարտապէս կարգաւորում է սիրոյ օրէնքը՝ առաջինն ու մեծն Աստուծոյ տալով՝ ըստ Նրա օրինադրութեան, որ ասում է «Պիտի սիրես թո՛ւ Տէր Աստուծոն թո՛ւ ամբողջ անձով, ամբողջ զօրութեամբ եւ մտքով» [տես՝ Բ Օրին. Զ 5], եւ ոչ ոք Նրան չի փոխարինում եակների մէջ: Ինչպէս եւ սրանց տիրապէս ուղղիչ Դատիթն է ասում «Ի՛նչ ունեն բովանդակ երկնքում եւ կամ Քեզանից այլեւս ի՛նչ խնդրեմ երկրից: Նուաղեցին իմ սիրտը եւ իմ մարմինն առ Աստուած սիրոյ պատճառով Աստուած իմ սրտի, [իմ] բաժին յաւիտեան» [տես՝ Սաղ. <Բ 25>, ով ինչպէս ծարաւածն է ջուր փափագում, այնպէս տենչում էր Աստուծոյ դէմ-յանդիման լինելու նաեւ արեւացնում էր «Դու եւս իմ յոյսն ու բաժինը կենդանեաց երկրում» [Սաղ. ՃԽԱ 5]: Իսկ զարմանալի Պօղոսն իր յոյժ հրաշափառ սիրոյ առաւելութիւնն է ցոյց տալիս, քանզի, բոլոր դժնդակների վրայ համարձակութեամբ խորխտացած, ասում է «Ո՛վ ինձ կհեռացնի Քրիստոսի սիրուց. նեղութիւնը, անձկութիւնը, թե՛ հալածանքը» եւ այլն [տես՝ <Հռոմ. Ը 35>, քանզի «Քեզ համար եմ, - ասում է,- մեռնում ամէն օր» [տես՝ <Հռոմ. Ը 36>]: Եւ քանզի ոչ միայն դառն ու դժուարակիրներն են Աստուծոյ սիրուն հակառակ, այլ՝ առաւել եւս հեշտալիներն ու ախորժելիները, ուստի եւ դրանք է արեւացնում եւ ասում «Աստուած գիտեմ, թե՛ ոչ մահը, ոչ կեանքը, ոչ իշխանութիւնները, ոչ խորութիւնները, ոչ բարձրութիւնները, ոչ հրեշտակները, ոչ պետերը, ոչ այս աշխարհը, ոչ գալիք արքայութիւնը, ոչ այլ որեւէ արարած՝ լինի երկնքում, թե՛ երկրում, եւ սրանցում եղած բարիքները, որոնք մենք չգիտենք, չեն կարող ինձ հեռացնել Քրիստոսի սիրուց» [նոյն Ը 38]: Եւ ինչ որ ասում է, այս է «Եթէ մէկն ամէն տեսակ չարչարանքներով եւ մահուամբ չարչարում է ինձ եւ սպանում Քրիստոսից բաժանելու համար, յօժարութեամբ ամէն չարչարանք եւ մահ յանձն եմ առնում, միայն թե՛ չբաժանուն Քրիստոսի սիրուց»: Եւ դարձեալ ասում է «Եթէ մէկն ինձ տար երկինքն ու նրա բարիքները, ամբողջ երկիրն ու նրանում զտնուող ցանկալի բաները եւ ոչ միայն՝ այս, այլեւ եթէ լինէր սրանցից էլ մեծն ու բաղձալին, որոնց մասին մենք ոչ լսել ենք եւ ոչ էլ տեսել, եւ սրանցով կանենար ինձ հեռացնել Քրիստոսի սիրուց, բոլորն էլ կարհամարհէի եւ կանարգէի, իբրեւ աղբ անպիտան կհամարէի եւ Քրիստոսի սերը կընտրէի ինձ համար»:

Եւ սրան հետեւում է սիրոյ երկրորդ մարդկանց հանդէպ ցոյց տրուող մասը, ինչպէս օրէնքում եւ Աւետարանում է կարգուած: Քանզի «Պիտի սիրես թո Տէր Աստուծոյ թո ամբողջ սրտով» ասելուց յետոյ ասում է, թէ «Եւ թո ընկերոջը, ինչպէս թո անձը» եւ անկէտեւում է, թէ «Այս երկու պատուիրաններից են կախուած ամբողջ օրէնքը եւ մարգարէները» [Մատ. ԻԲ 40]: Եւ սակայն թելտել եւ երկուսն է ասում, որովհետեւ Աստուծոյ եւ ընկերոջ է բաժանում, սակայն մի է, քանզի սէր է: Եւ ամենայն ճշմարտութեան Աղբիւրը ճշմարիտ ասաց, թէ բոլոր պատուիրանները սիրոյ մէջ են բովանդակուած: Քանզի չկայ որեւէ պատուիրան, որ սիրուց դուրս գտնուի, երբ մէկը ճշմարիտ, անարատ եւ առանց կեղծարտութեան սէր ունի Աստուծոյ եւ մարդկանց հանդէպ: Քանզի երբ մէկն ամբողջ սրտով սիրում է Աստուծոյ, Աստուծոյ սէրը խափանող ամեն բան արհամարհում է, այսինքն՝ փառք, մեծութիւն, պատիւ, իշխանութիւն եւ ունեցուածք, հորը, մորը, եղբայրներից, քոյրերից, կնոջը եւ որդիներից, նաեւ՝ իրեն: Ինչպէս եւ Ինքը՝ Տէրն, ասաց. «Եթէ մէկը գայ Ինձ մօտ եւ չատի հօրն ու մորը եւն, չի կարող Իմ աշակերտը լինել» [տե՛ս Դով. ԺԴ 26]: Եւ այստեղից է յայտնի, որ ուղքեր ճշմարտապէս սիրեցին Աստուծոյ, ոչ թէ միայն երկրաւոր ինչքերն ու փառքն արհամարհեցին եւ ընտանիքն ու որդիներին անտեսեցին, այլեւ իրենց եւս պէս-պէս ու տեսակ-տեսակ չարչարանքներով մահուան մատնեցին: Իսկ ով ընկերոջ հանդէպ անկեղծ եւ անարատ սէր ունի, ոչ մի չար բան չի խորհում եւ գործում նրա նկատմամբ, այսինքն՝ չի ատում նրան եւ նախանձում, չի զրկում, անիրաւում, չի գողանում նրա ինչքերը, սպանել չի խորհում նրան, չի ծամահրում, չի նենգում, չի ստում, չի մատնում, թելտել եւ բազում վնասների մեղաւոր ճանաչի նրան: Չի հպարտանում նրա հանդէպ, չի ամբարտաւանանում, չի բարկանում նրա վրայ, չի արհամարհում, չի թշնամանում, զրպարտում, քսութիւն անում, չարակցում, ոխ պահում, բամբասում, տրտնջում: Ոչ ինքն է նրա նկատմամբ չար գործում եւ ոչ էլ կամենում է, որ ուրիշ մէկն անի, այլ կամենում է նրան այն ամենը, ինչ բարի է, եւ անում, ինչ կարողանում է: Կամենում է, որ նա առողջ լինի մարմնով, առաջինի՝ հոգով, եւ ամեն ինչով՝ յաջողակ՝ ըստ կենցաղի բերումների, նիւթապէս հարուստ, պատուով՝ անելացած, իշխանութեամբ՝ բարձրացած, ամենքից՝ փառաւորուած, տնով՝ յաջողուած: Կինն՝ ուզածի պէս, որդիները՝ բարեհամբոյր եւ իւրատուած, մտքով՝ խոհական, խօսքով՝ կարգաւոր,

այնպէս, որ բոլորին սիրելի լինի: Եւ եթէ աղքատ է, ցանկանում է լրացնել կարօտութիւնը, եթէ տկար է, բժշկել է շտապում, եւ եթէ որեւէ տեղից հակառակորդ է վեր կենում, որչափ կարող է, ընդդիմակաց է լինում: Տրամութեանը տրամակից է լինում, խնդրութեանը՝ խնդակից, եւ չկայ չար բան, որ երբեւէ նրան կամենայ, եւ ոչ՝ բարի, որ չկամենայ: Եւ ոչ՝ այսքանը միայն, այլեւ սէրը ծածկում է մեղքերի բազմութիւնը, ինչպէս եւ ատելութիւնը՝ առաջինութիւնները: Քանզի ինչպէս որ ատելին բարեգործութեան մէջ տեսնելիս թուում է, թէ [ամբողջը] չար է, այդպէս եւ սիրելին չարագործութեան մէջ տեսնելիս թուում է, թէ [ամբողջը] բարի է: Այս ամենը եւ սրանցից էլ անելին է թուարկում առաջեալը որպէս սիրոյ մասեր: Ահա տեսնում ես, որ այն ամենն, ինչ Օրէնքը, Մարգարէները եւ Աւետարանական Վարդապետութիւնն են ուսուցանում, ամբողջովին սէրն է պարունակում իրենում: Ուրեմն յիշախ էր նաեւ Քրիստոս ասում աշակերտներին. «Նրանով կճանաչեն ձեզ բոլորը, թէ Իմ աշակերտներն եք, երբ միմեանց սիրեք» [Յով. ԺԳ 35]: Չասաց, թէ «Ինձ աշակերտելու նշանն այն է, երբ հիւանդներին եք բժշկում, կամ կոյրերին լուսաւորում, կամ անդամալոյծներին առողջացնում, կամ դեւերին հանում, կամ մեռելներին յարութիւն տալիս, կամ լեռները տեղաշարժում», այլ՝ «երբ սիրում եք միմեանց»: Քանզի գիտէր, թէ երբ ճշմարիտ սիրով սիրում են Աստուծոյ եւ ընկերոջը, դրա հետ նաեւ բոլոր պատուիրաններն են կատարում:

L

Արդ, ինչպէս անելի վերը ցոյց տուեցինք, երբ հոգու մասերն իրենց կարգաւորութիւնը ճիշտ են պահում, որպէսզի իշխանն իշխանութեան մէջ մնայ, եւ իշխեցեալները՝ հնազանդութեան, այս բոլոր բարեգործութիւններն անսխալ են կատարում: Իսկ եթէ վայելական կարգը եղծուելով ապականւում է, ծառաները տերերի վրայ են ելնում, իշխանութիւնը յափշտակում, տերերին ծառայեցնում, այսինքն՝ երբ ցանկականը ցամառականի, եւ ցամառականը խոհականի վրայ է տիրում, ամեն ինչ խառնուելով ամբողջովին կործանւում է, եւ իւրաքանչիւրը հակառակ ներգործութեան մէջ է շարժուած: Եւ, ըստ գործի, նաեւ անուսների փոփոխում է լինում, եւ այնուհետեւ ոչ թէ խոհականութիւն, արիութիւն, ողջախոհութիւն, արդարութիւն են կոչւում, այլ՝ անմտութիւն, սրտմտութիւն, բղջախոհութիւն եւ անիրաւութիւն: Քանզի ոչ խոհականն է բարւոքը խորհում, ոչ ցամառականը՝ ընդդէմ չարի մաքառում, ոչ

ցանկականը՝ ողջախոհաբար Աստծուն եւ աստուածայինները ցանկանում, եւ ոչ էլ արդարութիւնն է լինում սրանց ուղղիչ, վերակացու եւ կառավար, այլ, բնականից անբնականի մէջ շարժուելով, չարաչար տապալմամբ կործանում է ըստ առակողի խօսքի, թէ՛ «Երեք բանից է երկիրը շարժում. երբ ծառան է թագաւորում, երբ արայիկը տիկնոջ ժառանգորդն է դառնում, եւ երբ անմիտը հացով է յագեցնում» [տե՛ս Առակ. Լ 21]: Քանզի ծառայ սրտմտութիւնը թագաւորեց իշխան խոհականի վրայ, արայիկն բոլջախոհութիւնը տիկին արիւթեան ժառանգորդը դարձաւ, եւ անզգամ անմտութիւնը յագեցաւ նանրախոհութեան հացով, այսինքն՝ ստութեան հացով, որով եւ ամեն լաւ դէպի վատթար կողմ շարժուեց, քանզի մոլար իշխանն ախտերինն ծառայ դառնալուց յետոյ ամեն տեսակ նանրութիւն է խորհում:

LU

Եւ սա է այս բնութեան քաղաքի անիրաւ դատաւորը, որի մասին Տէրն Աւետարանում ասում է, թէ՛ «Աստուծոց չէր երկնչում եւ մարդկանցից չէր ամաչում» [Բով. ԺԸ 2], որովհետեւ Տիրոջով չի խորհում եւ իրաւունքով չի դատում: Եւ ով բնութեամբ պէտք է Տիրոջ օրէնքով խորհէր, ամեն տեսակ չար խոկման մէջ է յաճում եւ, քանզի բնութիւնը թեթեւ ու դիւրաշարժ է, շուտով բիւրապատիկ գարշ եւ աղտողի ցանկութիւնների մէջ է խորհրդով ներքաշում: Ինքը խորհրդի խոկմամբ զագրանում է եւ իր հետ զգայութիւններն է դէպի ախտակրութիւն շարժում: Եւ քանի որ բնութիւնն անտեսանելի է, մարդկանցից չի ամաչում, այլ թեւ շատերին է մօտ, [սակայն], ըստ չար յօժարութեան, շարժում է ամեն տեսակ պղծութեան մէջ եւ անօրէնութեան գործը կատարում, թէպէտ եւ՝ ոչ մարմնով: Այսինքն՝ ում հանդէպ որ ատելութիւն ունէր, յօժարախորժ կամքով [նրան] պատուից զցեց, ինչքերը կողոպտեց, փառքից զրկեց, իշխանութիւնից տապալեց, անելանելի արգելքներ դրեց, կոճղերում պնդեց, կարեւոր [մասերը] հեռացրեց եւ անդամները հատեց: Եւ սրանով չբարարարուեց, այլեւ չարաչար եւ դառն մահուան մատնեց: Եւ այս է, որ ասում է Ռոտոման Ռոդին, թէ՛ «Ամեն ոք, ով ատում է իր եղբորը, մարդասպան է» [Ա Յովի. Գ 15], քանզի թէպէտ եւ մարմնով [չապանեց], սակայն կամքով եւ յօժարութեամբ սպանեց: Եւ այս կէս սպանութիւն է: Քանի որ մարդ հոգի է եւ մարմին, եւ հոգին մարմնից մեծ է, նա հոգով սպանեց, քանզի ինչպէս որ մարմինը գործով է սպանում, այդպէս էլ հոգին՝ կամքով եւ յօժարութեամբ:

LP

Եւ եթէ ախտաւոր ցանկութեամբ սիրահարուել է մէկի, անարգել ընթանալով՝ շնանում է նրա հետ, թէպէտ եւ տափելին բազմութեամբ է շրջապատուած, եւ, ըստ մարմնի, նրան [այդ] անիրականացնելի է: Քանզի ոչինչ նրան չի կատեցնում՝ ոչ տեղի հեռաւորութիւնը, ոչ ճանապարհի նեղութիւնը, ոչ [եռների բուքը, ոչ տօթագին դաշտը, ոչ լայնածաւալ ծովը, ոչ պարսպաւոր քաղաքը, ոչ անբազոյն ողեակը, ոչ անպարտելի աշտարակը, ոչ փակուած դռները, ոչ պահապանների երկիւղը: Այն ամեն ինչ արհամարհելով, աներկիւղ համարձակութեամբ տափելուն է հասնում եւ գարշ ցանկութիւնը կատարում: Եւ այս է, որ ասում է Տէրը, թէ՛ «Ամեն ոք, ով ցանկութեամբ է կնոջը նայում, արդէն իսկ սրտում շնացաւ նրա հետ» [տե՛ս Մատ. Ե 28], այսինքն՝ հոգում: Եւ այդպէս էլ եթէ կինն է տղամարդուն ցանկանում, նոյն օրինակով շնացաւ, քանզի տղամարդու համար բոլոր ասուածները նոյնն են նաեւ կնոջ համար: Եւ ինչպէս սպանութեան համար ասացինք, նմանապէս էլ սրա համար [ասենք], որ կէս շնութիւն է, քանզի շնութիւնը մարմնով չկատարեց, այլ՝ հոգով: Սրանց պէս իմացիր նաեւ ամեն տեսակ մեղքի նկատմամբ դիւրաշարժ եւ դիւրակատար մտաւոր շարժումները: Եւ քանի որ անտեսանելի լինելու պատճառով մարդկանցից չի ամաչում, այդպէս էլ հեշտախտութեան եւ ցանկութեամբ յիմարացած լինելու պատճառով Աստուծոց չի երկնչում: Եւ բոլոր մեղքերի պատճառը խոհականի մոլորութիւնն ու անընտրող յիմարութիւնն է: Եւ երբ նա, որ միւսների վրայ իշխան էր եւ ուղղիչ, ծառայական ախտերով այսպէս կաշկանդում է, միւսները սրա մոլար ընտրողութեանն են հետեւում, քանզի ամենայն ինչ՝ թէ՛ բարի եւ թէ՛ չար, նախ մտածում է եւ ասպա՛ իրագործում:

LQ

Իսկ ցասմանական զօրութիւնը յեղաշրջուել եւ մէկից փոխարկուել է մէկ ուրիշի: Թէպէտ ժամանակին արիանում էր ընդդէմ օտարների, այսինքն՝ բանաարկուի եւ նրա չար արկածների, այժմ զինուած է ընդդէմ ընտանիների, որոնք ամեն տեսակ բարեգործութիւններն են: Եւ մանաւանդ, սրտմտութիւնը համազգիների եւ եղբայրների կողմն ուղղած, զազանաբար յարձակում է: Քանզի մարդկանց սրտմտութիւնն օձի նմանութիւնն ունի, այսինքն՝ սատանայի, իժի եւ քարբի, [այսինքն]՝ նրա դուերի: Քանի որ խցել են իրենց ականջներն ընդդէմ ճարտար

թովիչների՝ մարգարեների, առաքելների եւ Եկեղեցու վարդապետների, եւ չեն կամենում իմաստուն բժիշկներից ապաշխարութեան դեռը ստանալ եւ ախտից առողջանալ: Եւ այդպիսին չի կարող փոքր-ինչ թշնամանքների իսկ համբերել, այլ երբ պատահում է, որ որեւէ մէկից հակառակութեան կամ արհամարհութեան ու դարձանքների կարծիք է ստանում, փութանակի մեծ բարկութեամբ ընդդէմ է ելնում, աղաղակում, թշնամանում, նախատում, հայհոյում, անարգում, խելայեղի պէս չի իմանում՝ ինչ է խօսում: Մոլար մտքի ծնած ամեն անարգական խօսք, իբրեւ արիւնարբու զազանի ձագ, սրտի արգելարանից լեզուով դուրս է հանում, մինչեւ որ յանդուգն յարձակումից խօսքի հետ նաեւ թոյներ են դուրս ժայթքում: Այլեւ ձեռքերն ու ոտքերն է անհամձարաբար շարժում հարուածելու համար, եւ շատ անգամ էլ պատահում է նաեւ՝ սպանութեան համար: Ամեն ինչով դիւահարներին է նմանում, նոյնիսկ՝ աւելի չար, քան դիւահարները. որքան նրանք ակամայ են տաքանում ախտի մէջ, այնքան սրանք՝ կամովի: Եւ ում հանդէպ, որ թշնամութիւն ունեն, ատում են մինչեւ վերջ, անլուծանելի ռի ու մախանք են պահում, բամբասում են, նենգութեամբ դարանակալ լինում, խօսքով եւ գործով որոգայթներ պատրաստում՝ զցելու փառքից, պանոսից, իշխանութիւնից, հարստութիւնից: Եւ ոչինչ այնքան ըղձալի չէ նրանց, որքան նախանձելիին թշուառութեան մէջ տեսնելը, եւ ոչինչ այնքան դժնդակ չէ, որքան որեւէ բանով բարեկեցիկ տեսնելը: Ոչ այնքան իրենց թշուառութեամբ են տիրում, որքան նրանց բարեկեցիկութեամբ: Որքան հնարաւոր է, բոլորին թշնամութեան են հրահրում նրանց հետ եւ կամենում, որ ամենքից ատելի լինեն: Այսքան եւ սրանցից էլ աւելի են անկարգաբար սրտմտածների ատելութիւնն ու մախանքը:

ԼԴ

Իսկ ցանկականը, որ գեղեցիկ ողջախոհութիւնից եւ Աստուծոյ եւ ընկերների հանդէպ սիրուց խոտորուեց, ցնորուած շրջում է ամեն տեսակ նիւթական բաղձանքների մէջ: Զանգի, բնական եւ ողջախոհ սիրուց ընկած, զարշ ցանկութիւններով ներթաշում է վաւաշտ տափանքների մէջ: Եւ ոչ՝ սուկ ցանկութեամբ, այլեւ՝ կորստական գործի կատարմամբ, ոչ՝ [սուկ] բնականներին յատուկ, այլեւ՝ անբնականներին:

Ըստ այն խօսքի, որ առաքելալն է ասում. «Թողած էգերի հանդէպ բնական պէտքերը՝ իրենց ցանկութեամբ միմեանց հետ բորբոքուեցին. արուներն արուների հետ խայտառակութիւն էին գործում եւ փոխարեւն

իրենց անձերի մէջ էին ընդունում իրենց մոլորութեան վարձը» [Հռոմ. Ա 27], այսինքն՝ հրածին անպերով նորօրէն անձրեւուած հրի եւ երկնատեղած ծծմբի կիզումը՝ ըստ նորագիտ ցանկութեան հրի՝ նմանութեամբ յախտեցնական եւ մշտավառ բոցի: Եւ ոչ միայն արուներին է ամբաստանում, այլեւ էգերն էլ, ասում է, բնական պէտքերն անբնական պէտքերով փոխարինեցին:

ԼԵ

Էլ չեմ խօսում նաեւ սրանցից էլ դժնդակ, անբնական եւ բնութիւնից առուելի հեռու, անասնայինի եւ զազանայինի մէջ խոտորուող զազրագործութիւնների մասին, որ իրենք իսկ՝ անասուններն ու զազանները, թէպէտ եւ անկապ ու արձակ բնութիւններ են, սահմանադրութեամբ օրէնքի տակ չեն եւ նրանց վրայ պատուհասի եւ կամ տանջանքի սպառնալիք չկայ, սակայն բնական օրէնքով որը ստեղծման ժամանակ դրուեց՝ բնութիւններին հետեւելով, իրենց խառնուելու ժամանակ կենդանիների իւրաքանչիւր տեսակ ընտանի ազգակիցների սահմանից դուրս երբեք չի ելնում: Զանգի ձին արջառից, եւ կամ արջառը ոչխարին, եւ կամ ուրիշներ այլ օտար տեսակների [չեն խառնում], այլ կենդանիների իւրաքանչիւր տեսակ դէպի իր ցեղն է՝ գնում: Եւ այն էլ՝ ոչ անշափօրէն, այլ, ըստ սահմանուած ժամանակի, արարչադիր հրամանով միայն ծննդագործութեանն են ծառայում, որ ասաց. «Աձէ՛ք եւ բազմացէ՛ք եւ երկիրը լցո՛ւք» [ՄՃՆ. Ա 28]: Եւ այն էլ՝ խօսք եւ իմաստութիւն չունեն, որ խորհրդով եւ ընտրութեամբ վատթարներից խոտորուեն, այլ միայն բնական օրէնքներին են հետեւում: Իսկ խօսքով եւ իմաստութեամբ պատուած մարդիկ, որոնց սրանցից մէկն իսկ բաւական էր՝ արդարագործութեան չափ ու սահմանի մէջ պահելու, ամէն ինչ զանց առած, զազաններից եւ անասուններից էլ աւելի անմիտ եւ զազրագործ են երեւում: Եւ այլ զարշ ու աւելի աղտողի արարքների մասին, որոնք գործում են այդպիսի անմիտների մէջ, լուսն են, որոնք եւ՝ գիտեն, եւ ականջներին են հասել, սակայն չեն կամենում զազրացնել խօսքերը, որպէսզի չլինի թէ ողջախոհ մէկը լսելով ձանձրանայ, մանաւանդ՝ իմացողներին են թողնում, քանզի այժմ այսպիսի բաներում բոլորն են քաջահմուտ:

ԼԶ

Արդ, ճշմարիտ ցանկութիւնից եւ Աստուծոյ եւ բոլոր աստուածայինների

հանդեպ սիրուց մոտրուածներն ասես պարանով կապում են բոլոր ապականացու եւ ցեղելի նիւթական իրերի սիրուն եւ բաղձանքին՝ փոխանակելով ճշմարիտ կեանքի սէրն այս սնուտի իրերի սիրով անապականը՝ ապականացուի, անփոփոխելին՝ փոփոխելիների եւ երկնատրո՞ երկրատրոների: Քանզի քաղցրանում են նրանց այս անցատր [կեանքի] մեծութիւնը, փառքը, պատիւը, իշխանութիւնը, հարստութիւնը, որովայնամոլութիւնը, արբեցութիւնը, զրկանքը, ազահութիւնը, անհրաւրութիւնը, յափշտակութիւնը եւ այլ ամէն սնուտի բաների ցնորքները:

LE

Իսկ արդարութիւնը դառնում է անհրաւրութիւն: Եւ որ ժամանակին դէպի լուսազոյններն էր առաջնորդում եւ կարգաւորում իր ենթակայութեան տակ եղած մասերը, այժմ հակառակորդի տնօրէնն ու առաջնորդն է դառնում: Քարիքների այսքան եւ այսպիսի անկարգութիւնը եւ չարիքների՝ հոգու մասերում կարգաւորուելը բնականի խտտորումից եւ անբնականին հետեւելուց են լինում: Ուստի բազում զգուշութեամբ եւ արթնութեամբ պէտք է ամէն ոք իրեն հսկի, որպէսզի իր բանական հոգին, որն Աստուծոյ պատկերն է, սեփական առաջինութիւններով զարդարի, որով կփայլի նախկին լուսատիպ կերպարանքով, եւ նախատիպի նմանութիւնն իր մէջ հրաշագարդապէս կապտկերուի, որով անվայրափակ էութեան տաճարն ու բնակարանը կլինի՝ ըստ [Տիրոջ] խօսքի. «Եւ եւ Հայրը կզանք եւ նրա մօտ կօթեւանենք» [Յովհ. ԺԴ 23]:

LC

Արդ, մինչ այսպէս զեղեցկայարմար պատշաճաւորութեամբ դասակարգեցիկք հոգեւոր առաջինութիւնները, պէտք է, որ դրանց հետեւեն նաեւ մարմնական բարեգործութիւնները, որպէսզի, ըստ առաքեալի, «Աստուծոյ մարդն ամէն ինչով կատարեալ լինի» [Բ Տիմ. Գ 17] եւ ոչ՝ որեւէ բանով թերի: Քանզի ինչպէս որ հոգին [իր] մասերով է զարդարում, այդպէս էլ մարմինը զգայարաններով է պայծառանում: Եւ զգայութիւնները հինգն են: Դրանք են՝ տեսանելիք, լսելիք, հոտառելիք, ճաշակելիք, շոշափելիք: Եւ նախ պէտք է յայտնել, թէ ինչ է զգայութիւնը, եւ ապա՝ դրանք ընտանի գործառնութիւններով զարդարել:

LD

Զգայութիւն է ասում այն, որ, ըստ իր ներգործութեան, ցանկացած ազդեցութիւն, արտաքուստ ընդունելով, զգում է եւ ճանաչում: Ինչպէս [օրինակ]՝ աչքը, լոյսի ծագումն ընդունելով, զգում, ճանաչում եւ լուսատրում է եւ նրանով տեսած ամէն բան զգում ու ճանաչում, թէ ինչ է: Եւ ունկը, ձայների հնչումն ընդունելով, զգում է, թէ բացականչումն ունից է: Եւ հոտառելիքը, զանազան հոտերի ազդեցութիւններն առնելով, զգում է, իմանում եւ դրանք միմեանցից տրոհում: Եւ ճաշակելիքը, քաղցր եւ դառը, իւրոտ եւ կծու պէս-պէս կերակուրների եւ ըմպելիքների համերն իր մէջ ընդունելով, զգում է իւրաքանչիւր համի ազդեցութիւնը: Եւ շոշափելիքը, տեսակ-տեսակ զանազան նիւթերը շոշափելով, զգում է եւ միմեանցից զատորշում խոշորներն ու ողորկները, կարծրերն ու փափուկները: Արդ, այս պատճառով են զգայութիւններ ասում:

LD

Եւ սրանք որպէս մեր մարմնի տան դռներն են՝ լաւ եւ կամ վատթար ամէն ինչի դրսից ներս եւ ներսից դուրս գալու՝ ըստ մարգարէի, որ ասում է, թէ մահն այս պատուհանով [այսինքն՝ զգայարանով] մտա [Երեմ. Թ 21]: Եւ ինչպէս որ դռնով ենք տուն քերում ամէն արժեքատր ու պիտանի գոյք եւ դարձեալ նոյնով դուրս հանում տան համար անպիտան որեւէ իր, այնպէս էլ բոլոր հոգեւոր հարստութիւնները, որոնցով, ըստ համազգի հոգեղէնների, անկարօտ ճոխանում է բանական հոգին, զգայարանների դռներով իւրաքանչիւր ներգործութեան հետ մեր ներսն ընդունենք: Եւ երկրատր ցանկութիւնների եւ ստորին սիրոյ աղբը, որ որոմնացան թշնամու տրմերն է, իբրեւ վնասակար եւ մահացու բաներ՝ դարձեալ նոյն տեղով դուրս հանենք: Եւ ինչպէս որ միշտ չէ, որ փակ ենք պահում տան դռները, որովհետեւ եթէ յար փակուած են մնում, օգտակար հարստութիւնները չենք հաւաքում, նաեւ մեր բնակութեան համար [տունն] անպիտան է դառնում, ոչ էլ հանապազ բաց ենք թողնում, որպէսզի այդպէս էլ թշնամիները, խարդախ գողերն ու աւազակները մտնելով մեզ կորստեան չմատենն եւ ունեցուածքը յափշտակեն, այլ յարմար ժամանակի, ըստ պատշաճի, բացում ենք եւ փակում՝ համաձայն իմաստունի խրատի, որ երկնքի տակ եղող ամէն ինչի ժամ ու ժամանակ

է սահմանում: Այսպիսով, մեր զգայարանների դռները հաճապագ պետք է փակել, քանզի այլևս ինչի՞ համար դրուեցին մեր բնութեան մէջ, եթէ պետք է միշտ փակ մնան: Քանզի այժի գործը տեսնելն է, ունկնել՝ լսելը, նմանապես էլ՝ միւսներինը՝ ըստ իրենց նշանակութեան: Եւ ահա անպիտան են, եթէ բնական գործառնութիւնը չեն կատարում, այլ պետք է լաւագոյնների հուսքման համար պատշաճ ժամանակ բանալ եւ այլ ժամանակ, երբ վնասակարներն են մուտք գործում, փակել:

ԽԱ

Եւ ասելիքս ճշտ է: Պետք է այժը փակել ընդդէմ արատաւոր նայուածքների եւ բոլորախոս ցանկութեամբ ու վաւաշտ տոփանքով չզննել եզի կամ արուի արտաքինը, որովհետեւ դրանից (մարդն), ասես կորովածիզ աղեղնաւորից, հոգու վրայ նետերի կարելի է խոցող հարուածներ է ստանում, որոնցով մեռնում է անմահը: Քանզի այստաւոր նայուածքով պղծութեան գործ է ցուցադրում եւ իսկոյն շնանում նրա հետ՝ ըստ Տիրոջ խօսքի, որ ասում է. «Ով կնոջը ցանկութեամբ է նայում, իսկոյն սրտում շնանում է նրա հետ» [տե՛ս Մատթ. Ե 28]: Եւ ամէն շուն եւ պոռնիկ, ըստ առաքեալի, մաս ու ժառանգութիւն չունի Աստուծոյ արքայութեան մէջ [տե՛ս Ա Կորն. Զ 10]: Իբրեւ յիշատակութեան անարժան բաներ՝ էլ չեն խօսում բնութիւնից հետո, անանային եւ գազանային պղծութիւնների մասին:

ԽԲ

Դարձեալ այժը պետք է փակել ընդդէմ ընկերքջ հանդէպ չարակնութեան: Երբ չարակնը մէկի բարեկեցիկ է տեսնում՝ ըստ կեանքի որեւէ յաջողութիւնների՝ տան, որդիների, ստացուածքների, իշխանութեան, պատուի, փառքի, բարեհամբաւ անուան, սիրոյ եւ բոլորի մօտ ընդունելութեան, ասես սայրասուր սրով խոցում է, նախանձում, մախանք պահում եւ գերադասում է մեծամեծ ու դժնդակ տոյժեր կրել, քան թէ նրան այդպիսի փառաւորութեամբ տեսնել: Շատերն էլ մահուան դաւ են գործում նրանց հանդէպ, որոնց չարակնութեամբ են նայում: Եւ սրա բազում ապացոյցներն ունենք Սուրբ Գրքից, եւ մանաւանդ՝ [այն], որ մեղքերի եւ մահուան սկիզբը սրանով մտաւ աշխարհ: Քանզի չարակն բանասարկուն, նախաստեղծի գերունակ փառքը տեսնելը հանդուրժել չկարողանալով, խաբէութեան հրապարանքներով մօտեցաւ եւ մահուան ճաշակունը նուիրեց նրան: Եւ Կայէնի մարդասպանութիւնը

ոչ այլ ինչ էր, եթէ ոչ՝ [այն], որ չկարողացաւ նայել Վաբէի՝ Աստուծո՛ւ հաճելի պատարագներին: Իսկ Յովսէփի եղբայրները, բարձալի երազատեսութեանը նախանձելով, կամեցան սպանել նրան եւ ապա այլազգիներին վաճառեցին, ինչպէս որ Տիրոջը չարչարանքների եւ մահուան մատնեցին: Նաեւ Դաւիթն սպանելու նպատակով Սաուլի բազմահնար մեքենայութիւններն այլևս ինչի՞ց էին, եթէ ոչ՝ [նրանից], որ ժողովրդի այժին սիրուած եւ պատուած էր նրան տեսնում եւ պարողներից լսում, թէ Դաւիթը բիրաւորների կոտորեց [տե՛ս Ա Թագ. ԺԼ 7]: Իսկ փարիսեցիների եւ դպիրների խաչ կանգնեցնելն ու փրկութեան Առաջնորդին, որ եկել էր նրանց բարձրացնելու եւ փառաւորելու, փայտին գամելն այլևս ինչ էր, եթէ ոչ՝ Կենարարի բիրապատիկ սքանչելի գործերը, լուսաւոր վարդապետութիւնը եւ ժողովրդից Նրա փառքն ու պատիւը հանդուրժել չկարողանալը: Քանզի թէպէտ եւ Նա եկել էր այն նպատակով, որ մեռնի եւ Իր մահուամբ վերացնի մարդկային ցեղի մահուան դատապարտութիւնը, սակայն նրանք, նախանձութիւնից չարակնութեամբ հեղձուելով, խաչեցին Նրան: Արդ, ընդդէմ բոլոր այսպիսի չարակնութիւնների է պետք այժը փակել, որպէսզի հոգիների կուրացուցիչ եւ մահացուցիչ տեսութիւնը ներս չթափանցի:

ԽԳ

Իսկ ընդդէմ լաւի եւ օգտակարի պետք է յօժարութեամբ բանալ եւ բոլոր այստերի բիծը, որ խափանում է գեղեցկագործ տեսութիւնը, մաքրել, որպէսզի [մարդը] կարողանայ յստակ նայուածքներով նայել եւ տեսնել Աստուծոյ սքանչելի գործերը, որոնցով էլ վայելչապէս հասնում է Արարի գիտութեանը՝ ըստ առաքեալի. «Աստուծոյ աներելոյթ [յատկութիւններն] աշխարհի սկզբից, - ասում է, - արարածների մէջ են իմանալի կերպով տեսնուում» [տե՛ս Հռոմ. Ա 20], այսինքն՝ Նրա մշտնջենաւորութիւնը, զօրութիւնը եւ Աստուածութիւնը: Եւ արդ, Դաւիթն ասում է. «Երկինքը պատմում է Աստուծոյ փառքը» [Սաղմ. ԺԼ 1]: Նա նաեւ ջերմագին տեսնանքով այժերին լուսաւորութիւն էր աղաչում՝ տեսնելու համար այսպիսի սքանչելիքներ. «Բաց, - ասում է, - իմ այժերը, եւ կտեսնեն Քո օրէնքի սքանչելիքները» [Սաղմ. ԸԺԼ 18] եւ թէ՛ «Լոյս տուր, Տէր, իմ այժերին, որ ջընեն մահուան ընով» [Սաղմ. ԺԲ 4] եւ «Դարձրու իմ այժերը նանրութիւնից» [Սաղմ. ԸԺԼ 37]: Որից յետոյ համարձակութեամբ եւ պանծանքով ասում էր. «Իմ այժերն ամէն ժամ

Տիրոջն են ուղղուած» [Սաղմ. ԻԴ 12] եւ «Սկզբում տեսնում էի Տիրոջն իմ առջեւ ամէն ժամ, ջանգի իմ աջ կողմում եր, որ չսասանուեմ» [Սաղմ. ԺԵ 8], այսինքն՝ մտքի աչքերով հաճապագ Աստուծուն ինձ մերձ եւ աջ կողմում կանգնած էի տեսնում եւ Նրան տեսնելիս, երկիւղելով եւ պատկառելով, դողում մեղքերից: Սա ոչ միայն Դաւթի հետ է այսպէս պատահում, այլեւ՝ ամէն մէկի, ջանգի երբ հաւատում է, թէ Աստուած իրեն մերձ է եւ տեսնում է, ինչպէս կարող է մեղանջել: Ինչպէս եւ Ռոտոման Ռոդին է ասում. «Ամէն ոք, ով Աստուծոյ մէջ է հաստատուած, չի մեղանջում» [տե՛ս Ա Յովի. Գ 6]: Բանգի երբ մարդ որեւէ մէկի մերձ է եւ տեսնում է, որեւէ չարիք չի գործում, այսինքն՝ չի շնանում, գողանում, սպանում եւ այլ նման [արարքներ] չի գործում, որչա՛նի առաւել եւս դադարում է ամէն տեսակ մեղքեր եւ չար գործեր գործել, երբ հաւատում է, թէ ամենքի Արարիչը, Դատարողը, Վրէժխնդիրը, ըստ գործերի Վատուցողն իրեն մերձ է եւ տեսնում է: Եւ այս գիտեցաւով է Դաւիթն ասում. «Իմ աչքերն ամէն ժամ Տիրոջն են ուղղուած»: Եւ Ինքը՝ Աստուած, ասում էր մարգարէի միջոցով. «Մերձաւոր եւ ոչ հեռաւոր Աստուած եմ ես» [տե՛ս Երեմ. ԻԳ 23], Ռիին եւ նախանձաւոր Վեղիսաբ միշտ իր առջեւ եր համարում:

ԽԴ

Եւ [Աստուած] ոչ միայն մարմնական գործերն է տեսնում, այլեւ՝ մտաւոր շարժումները՝ ըստ Դաւթի. «Որ սրտերն ու երկկամները թնկող Աստուած ես» [Սաղմ. Է 11] եւ մէկ այլ տեղ, թէ՛ «Ոչ թէ մարդու պէս է տեսնում Աստուած, ջանգի մարդը դէմքին է նայում, իսկ Աստուած՝ սրտին» [Ա Թագ. ԺԶ 7]: Եւ ոչ միայն սրտի խորհուրդն է տեսնում, այլեւ՝ այն, որը տակաւին ոչ մտածուած է եւ ոչ գործուած՝ ըստ այն խօսքի, թէ՛ «Իմ կողմից չգործուածները տեսան Բո աչքերը» [Սաղմ. ԺԼԸ 16]: Եւ ոչ միայն տեսնում է չգործուածները, այլեւ՝ գրելով պահում, ինչպէս եւ [Դաւիթն] է ասում. «...եւ Բո գրքում բոլորը գրուեցին» [Նոյնը]: Արդ, այդպիսի Տեսնողի ամէն ոք պետք է իրեն մերձաւոր համարի եւ այնժամ չի մեղանջի:

ԽԵ

Դարձեալ պետք է աչքը բանալ՝ տեսնելու արարածներին եւ Աստուծոյ սքանչելի գործերը: Եւ մարմնաւոր աչքերով նայելիս նրանց հետ բանալ նաեւ մտքի աչքերը եւ իմաստութեամբ տեսնել արարածների զարմանալի

գործերը, ինչպէս եւ Դաւիթն էր տեսնելով ասում. «Տեսայ երկինքը՝ Բո մատների գործը, լուսինն ու աստղերը, որոնք Դու հաստատեցիր» [Սաղմ. Ը 4]: Այսինքն՝ նայել երկնքի բարձրութեանն ու ընդարձակութեանը, լուսատուների պայծառութեանն ու գեղեցկակարգութեանը եւ սրանցից յետոյ՝ անպերից, անձրեւներից, հողմերին, ձեանը, սառոյցին, կարկուտին, հողին, բոյսերին, տունկերին, մարդու գեղեցկակազմութեանը, անասուններից, զազաններից, թռչուններից, ծովին, աղբիւրներից, գետերին, եւ ինչո՞ւ այլեւս մէկ առ մէկ ասեմ՝ միւս բոլոր՝ ստեղծուածներին: Եւ նախ սրանցից է պետք ճանաչել Աստուծոյ մեծութիւնը, իմաստութիւնը, անչափ զօրութիւնն ու բարեբարութիւնը, թէ այս ամէնը մեզ համար է արարուած: Եւ որ սրանցից էլ հրաշափառ է, [այն], թէ ինչպէս է նախախնամող զօրութեամբ ամէն ինչ կառավարում եւ պահում անքնկտելի հաստատութեան մէջ, ջանգի այս աշխարհի մարմնի՝ երկրի եւ ծովի այս անբաւ ծանրութեանը ոչ հիմք կայ, ոչ հաստատութիւն եւ ոչ սիւներ, այլ ամէն ինչ ոչնչի վրայ է հաստատուած, մանաւանդ թէ՛ Աստուծոյ հրամանի վրայ՝ ըստ առաքեալի, թէ՛ «Պահում է ամէն ինչ Իր զօրութեան խօսքով» [Եբր. Ա 3]:

ԽԶ

Արդ, այս ամենի եւ այսպիսիների միջոցով պետք է բանալ աչքերը եւ տեսնել ու ճանաչել Աստուծոյ անհաս մեծութիւնը, իմաստութիւնն ու զօրութիւնը: Բանգի երկինքը, երկիրն ու սրանցում եղածներն ասես գրով եւ խօսքով Աստուծոյ անբաւութեան մասին են պատմում ըստ այն [խօսքի], թէ՛ «Երկինքը պատմում է Աստուծոյ փառքը» [Սաղմ. ԺԸ 1]: Եւ այս անպատմելի արարչութիւնը տեսնելիս այնուհետեւ շարժել միտքն ու լեզուն Աստծուն փառաբանելու համար եւ ամէն ինչում փառաւորել ստեղծուածների Արարչին: Բանգի Անանիայեք սրանք տեսնելով էին բոլոր արարածներին կանչում Աստծուն օրհնելով՝ ասելով. «Տիրոջ բոլոր գործեր, Տիրոջն օրհնեցե՛ք» [Դան. Գ 57]: Եւ, շարակարգելով երկինքն ու երկնքում եղածները, օրն ու սրանում եղածները, ասում էին, որ օրհնեն Աստծուն. ոչ թէ՛ որովհետեւ նրանք օրհնում են Աստծուն, ջանգի անխօս են եւ անմիտ, այլ մտաւոր եւ բանաւոր մարդիկ, տեսնելով նրանցում կատարուող սքանչելագործութիւնները, փառաւորեն Արարչին: Եւ ոչ միայն այսպիսի՝ հրաշագան եւ զարմանագործ տեսութեան պատճառով իմաստնաբար տեսնողները փառաւորում են

Աստուծու, այլև՝ այն տեսութիւնների, որոնք շատերին չարիքի պատճառ են թուում: Քանզի նրանք, որոնք մարմնաւոր աչքերի հետ նաեւ հոգու աչքերն են բաց, նրանցից, որոնցից հոգով կուրացածները վնասուում են, իրենք մեծապէս շահում են՝ բժիշկների նմանութեամբ, ուժեր բազում անգամ վնասակար նիւթերից օգտակար դեղեր են ստանում. ինչպէս [օրինակ]՝ օձից ստանում են նրանց թոյնը խափանող միջոցներ եւ այլ մահացու դեղերից՝ սասակիչ ներգործութիւններ:

ԽԷ

Եւ եթէ ուզում էք, պատահած եւ գրի առնուած իրադարձութիւններով հաստատեն այս ասածները: Քանզի Անտիոք քաղաքում հռչակելի գեղեցկութեամբ ոմն պռոնիկ՝ Պելագիա անուամբ, ում գեղեցկութեան համբաւը ոչ միայն քաղաքում, այլեւ շրջակայ բոլոր վայրերում էր տարածուել, ում մօտ նաեւ տարբեր կողմերից վաւաշտ երիտասարդներ էին գալիս, մի օր, բաղնիքից ելնելով, բեհեզ եւ ծիրանի հագնելով, գլուխը, կուրծքը, պարանոցն ու մարմնի գրեթէ բոլոր մասերը ոսկով, մարգարտով, թանկարժէք քարերով զարդարելով, աչքերը սեւ ներկելով, այտերը սպիտակեցնելով եւ կարմրացնելով, անուշահոտ իւղով օծուելով, լկտի կերպարանքով գալիս անցնում է քաղաքի միջով՝ սպասաւորելով այն բազմութիւնների մէջ եղող հեշտասերներին: Իսկ Նոնոս անուամբ ոմն եպիսկոպոս եկեղեցականներով հանդերձ նստել էր եկեղեցու սրահում, որով անցնում էր պռոնիկը, ում տեսնելուց ողջախոհ եկեղեցականներից շատերը շքում էին դեմքերը: Իսկ սուրբ եպիսկոպոսը ակնասեւեռ երկար նայում էր նրան, մինչեւ որ տեսնողներից շատերն իրենց մտքում բամբասում էին նրա մասին, թէ երկար է նայում պռոնիկի արտաքինին: Իսկ նա յանկարծ, արտասուք թափելով, դառնապէս լաց եղաւ: Մերձակայ գտնուողները, որոնք բամբասում էին նրա նայուածքի համար, մօտենալով հարցրեցին, թէ ինչ էր պռոնիկի արտաքինի վրայ ակնասեւեռ նայելը, եւ ինչի համար է ողբումը: Իսկ նա, տակաւին արտասուելով, պատասխանեց. «Լա՛յ ինձ, որդեակներ, որովհետեւ տեսայ այն կնոջը, որ ամէն տեսակ հնարներով, պէս-պէս ու զանազան զարդերով, որչափ կարող էր, զարդարել էր իրեն, եւ այն արել էր մոլեկան եւ մեղսասեր երիտասարդների պատճառով, որպէսզի նրանց հաճելի թուայ եւ նրանց պիտաւոր ցանկութիւնը շարժի՝ խառնակուելու իր՝ հետ: Իսկ ես հարսնացել եմ երկնաւոր Փեսային, որ իմ հանդէպ Իր անճառ սիրոյ պատճառով գերակայ փառքի անբաւ

բարձրութիւնից խնարհուեց զարշուծեանս համար, Խաչով եւ Արեամբ զկեց մեղքի ծառայութիւնից, սրբարար Աւագանով լուաց եւ [Սուրբ] Ղուկո շնորհներով զարդարեց: Տուեց նաեւ Իր գեղեցկացուցիչ պատուիրանները եւ սովորեցրեց, թէ ինչպէս նրանցով օր ըստ օրէ զարդարեն հոգու եւ մարմնի բոլոր մասերը, որ անճառսի սիրով Նա իմ մէջ բնակուի, եւ ես՝ Նրա մէջ: Իսկ ես, ըստ առակողի, նորից վերագործայ փսխածին եւ թաւալուեցի տիղմի մէջ, որից լուացուել էի, եւ շնորհներով Նրանից [ստացած] զարդարանքները մեղքերով աղտոտեցի եւ չտապեցի՝ հոգիս ապաշխարութեան ջրով վերստին լուանալու եւ պատուիրանի պահպանութեամբ զարդարելու, որպէսզի հաճելի լինեն երկնաւոր Փեսային, որ սիրեց ինձ եւ Իր անձը մահուան մատնեց ինձ համար»: Եւ, այս լսելով, զարմացան նրա մտքի արթնութեան եւ հոգու անախտութեան վրայ եւ փառաւորեցին Աստուծու: Ահա տեսնու՛մ ես, որ ջանացողներն ու արթունները վնասակարներից եւս շահում են, բայց ծոյրեն ու մեղկերն օգտակարներից էլ են շատ անգամ վնասուում:

ԽԸ

Արդ, զգայարանների այս առաջին դուռը բարուք փակուեց եւ բացուեց: Բայց պէտք է եւ երկրորդն, ըստ նոյն օրինակի, փակել ընդդէմ բոլոր մահացու եւ կորստական խօսքերի: Քանզի ինչպէս որ աջքն է տեսնելով դէպի չարը խոտորում եւ իր հետ գործակցութեան շարժում ամբողջ մարմինը, այնպէս էլ ունկն է լսելով ապականում եւ, ապականագործ լուրը ներսն ընդունելով, սրտի շտեմարաններում ամբարում՝ իբրեւ յարդի մէջ թաքցուած կայծ, որ պատեհ ժամանակ, որեւէ թանուց արծարծուելով, կիզող բոցն է բորբոքում: Եւ սա ամենաառաջին մեղքն է Քանզի անեւից առաջ բանարկուցն եւս օձի միջոցով մերձեցաւ նախամօր ականջին եւ հեղեց դառը թոյնը, որի պատճառով նա մեռաւ եւ իր ծնունդների մահուան պատճառն եղաւ: Արդ, ախտաւոր լսելութեան առաջին մուտքն այն է, երբ միմեանց տփուողները՝ այր եւ կան կին, հեշտայի եւ մեղկ խօսք են միմեանցից լսում, որն իբրեւ երկասյրի սուր հոգին խոցում է եւ, ցանկութեան պարաններով գերելով, տանում մեղքերի կատարման:

ԽԹ

Մրան է յարում նաեւ չար միջնորդի խօսքը, որ կորստական

պատգամներն է տանում ու բերում երկուսի միջեւ, ինչպէս եւ օձը՝ Եւայի եւ քանաքարկուի միջեւ: Եւ սա առաւել աններելի է, քան շնութիւնը, քանզի թէպէտ եւ շնութիւնը չար ու դժնդակ յանցանք է, որ արքայութիւնցից զրկում եւ գեհեհնին ժառանգ է դարձնում, սակայն ստիպող պատճառը եւ մեղքի հարկադրողը մարմնի ցանկութիւնն է, սատանայի թելադրութիւնը եւ ախտագարշտութեան բորբոքումը: Իսկ անօրէն միջնորդը, բնութիւնցի եւ ոչ մի հարկադրում կան բռնութիւն ունենալով, ո՞ր պատճառով է կործանում [իրեն] այս աստիկ մեղքերով, քանի որ, ըստ երկու [հոգու] յանցանքների, չափի, որոնց մեղքերի պատճառն հանդիսացաւ, Դատաստանի Օրը կրկնակի եւ էլ առաւել վրժ պիտի ընդունի գեհեհնի կիզող հրում:

Ս

Դարձեալ ունկի միջոցով են լսում բոլոր չար խորհրդակցութիւնները եւ անօրէնութեան, աւազակութեան, գողակցութեան գործերը, որոնցից առակի խօսքը հրաժարուել է ուսուցանում՝ ասելով «Ռոդեակ, թող չխաբեն քեզ ամբարիշտ այրերը եւ ասեն. «Եկ մեզ հետ արինահեղութեան կցորդ եղիր, առանց պատճառի հողում ծածկենք արդար մարդուն, կենդանի թաղենք նրան գերեզմանում» [տես Առակ. Ա 10]: Նրանց խրատում է՝ ասելով «Ճանապարհ մի՛ գնա նրանց հետ, խտորի՛ր քո ոտքը նրանց շափոցներից» [Առակ. Ա 15]: Նաեւ մարդկանց չարախօսութիւնն է ունկով սիրտ մտնում անփակ լեզուներից եւ անդուս բերաններից, որոնք, սատանայի գործիք դարձած, նրա հեղած թոյնն են իրենց լեզուով ուրիշների ականջներին մօտեցնում եւ դրդում նրանց բարկութեան, ատելութեան, հայհոյութեան, դիակալութեան, թշնամանքի, բամբասանքի, մատնութեան, դաւաճանութեան, զրպարտութեան, որոգայթադրութեան, սպանութեան եւ նման չարիքների:

ՍԱ

Դարձեալ ունկի ախտ է նաեւ այս ոչ թէ միջնորդներին լսելով, այլ մէկից դէմ—յանդիման թշնամանք, նախատիւնք, պարսաւանք, արհամարհութիւն, հայհոյութիւն, զրկանք, յափշտակութիւն, տուգանք եւ ոտնահարութիւն կրելը: Արդ, վերն ասած այսպիսի բոլոր ախտերի եւ սրանց նմանների դէմ է պետք փակել ունկն ու բնաւ թոյլ չտալ, որ մտնեն ականջ՝ չունկնելու նշուած չարիքների մէջ, քանզի այսպիսի

ախտերն իբրեւ քաղցկեղ ճարակում են հոգին: Այլ բարուք նախանձաւորութեամբ լցունել ըստ Դաւթի, որ ասում է «Երբ մեղաւորն իմ աջեւ հակառակեց, խուլ եղայ եւ խոնարհուեցի եւ եղայ եւ որպէս մարդ, որ չի լսում» [տես Մաղմ. ԼԸ 2], քանզի ով կամենում է հոգին ապրեցնել, կամ սկզբից չի լսում եւ կամ, եթէ լսում է, չի զայրանում, ուշադրութիւն չի դարձնում եւ չի պատասխանում:

ՍԲ

Եւ դարձեալ՝ սա ընդարձակ բանալ ամեն տեսակ բարուք խօսքերի մուտքի համար, այսինքն՝ հաւատքի խօսքերի եւ Աստուծոյ պատուիրանների՝ քարոզուող ըստ օրէնցի եւ մարգարէների, անտարանական եւ առաքելական վարդապետութեան: Լսել օրէնքը, որ ասում է «Քո Տէր Աստուած Մի Տէր է: Եւ պիտի սիրես քո Տէր Աստուծոյ քո ամբողջ սրտով եւ քո ընկերոջը՝ ինչպէս քո անձը» [տես Բ Օրին. Զ 4, 5] եւ «Մի՛ սպանիր, մի՛ շնանա, մի՛ գողանա, պատուիր քո հօրն ու մօրը» [տես Բ Օրին. Ե 16]: [Լսել] նաեւ մարգարէներին, որ ասում են «Խտորուրի՛ր չարից, գործի՛ր բարին եւ խաղաղութեամբ ընթացիր» [Մաղմ. ԼԳ 15] եւ դարձեալ՝ «Լուսցուէ՛ք մեղքերից, սքրուէ՛ք անօրէնութիւններից, զգէ՛ք չարութիւնն անձերիցը, սովորէ՛ք գործել բարին, իրաւունքը փնտրէ՛ք, զրկուածին փրկէ՛ք, որքի դատն արե՛ք եւ այրու իրաւունքը տուէ՛ք» [տես Եսայի Ա 16] եւ թէ՛ «Բարի՛ր քո հացը քաղցածներին եւ անօթեան աղքատներին տա՛ր քո տուն: Եթէ մերկ եւ տեսնում, հագցրու՛ եւ ընտանիքիդ զաւակին մի՛ անտեսիր» [տես Եսայի ՍԸ 7]: [Լսել] նաեւ սուրբ Անտարանի [խօսքերը], թէ՛ «Ինչպէս կամենում էք, որ մարդիկ ձեզ անեն, այնպէս էլ դուք արե՛ք նրանց: Եւ սիրեցէ՛ք ձեր թշնամիներին, բարի՛ք գործէ՛ք ձեզ ատողներին, աղօթք արե՛ք ձեզ վկողների համար: Եւ ով խիստ է քո ծնօտին, նրան մի՛սն էլ մօտեցրու, եւ ով քեզանցից քո բաճկոնն է հանում, մի՛ արգելիր նրան [հանել] նաեւ շապիկդ: Գանձէ՛ք ձեզ գանձեր երկնքում եւ փոխ տուէ՛ք նրան, ումից ստանալու ականալութիւն չուրէ՛ք» [տես Դուկ. Զ 27 ուն]: [Լսել] նաեւ առաքելներին, թէ՛ «Ամեն դառնութիւն, աղաղակ, սրտմտութիւն եւ հայհոյութիւն թող վերանայ ձեզանց ամեն չարութեամբ հանդերձ: Եւ արեգակը ձեր բարկութեան վրայ թող մայր չմտնի» [Եփես. Դ 31, 26] եւ «Սպանէ՛ք ձեր երկրաւոր անդամները, հեռու զցէք պոռնկութիւն, պղծութիւն եւ ազատութիւն, որ կռապաշտութիւն է, եւ հազէ՛ք գոյթ, քաղցրութիւն, համբերութիւն: Եւ

հեռու թօթափէք ամեն չարութիւն, կեղծարարութիւն, նախանձ եւ ամեն չարախօսութիւն» [տեսն Կող. Գ 5 եւն] եւ «Միրէք միմեանց, քանզի սերն Աստուծոյ է, եւ ամեն ոք, ով սիրում է, Աստուծոյ է ծնուած եւ ճանաչում է Աստուծոյ» [Ա Յովհ. Դ 7] եւ «Ոչ թէ փօսքով եւ լեզուով սիրէք, այլ գործով եւ ճշմարտութեամբ» [Ա Յովհ. Գ 18] եւ այլ ամեն տեսակ փրկական եւ ոգեկեցոյց [խօսքեր], որոնց թիւ չկայ: Դարձեալ՝ ականջները պէտք է բանալ նաեւ ամեն խնդրողի առաջ, ով հարկաւոր պէտքերն է պահանջում՝ բարարելու մարմնի կարիքները, եւ կամ՝ հոգեւոր խրատներ [տալ], որն աւելի մեծ է եւ օգտակար, քան մարմնի կարիքը յագեցնելը: Եւ այսպէս Աստուծոյ կամքի համաձայն է լինում քո լսելիքը բացելը:

ԾԳ

Եւ հոտտելիքը փակիր ընդդէմ ամեն տեսակ հեշտալի եւ ախտաւոր հոտերի, որոնք սովորաբար վաւաշտուների մօտ են տեսնուում, քանի որ անուշահոտութեան ամեն տեսակ հնարներ են յօրհնում մարմնի եւ հանդերձների համար՝ ախտաւոր ցանկութեանը ճիւղ եւ զօրութիւն տալու, որով հոգիների ամրութիւնը մեղկացնելով թուլացնում են՝ վայր ընկնելով արիական հանդեսի պնդակազմութեան բարձրութիւնից: Եւ ընդհակառակը՝ բաց Քրիստոսի անուշահոտութեան համար, որն առաքելների միջոցով ծաւալուեց տիեզերքով մէկ, ինչպէս եւ Պօղոսն է ասում. «Իրեն ճանաչելու հոտը մեր միջոցով է ամեն տեղ յայտնի դարձնում, թէ Աստուծոյ առջեւ Քրիստոսի անուշ հոտն ենք փրկեալների եւ կորուսեալների մէջ. ոմանց համար հոտ՝ մահուանից դէպի մահ եւ ոմանց՝ կենդանութիւնից դէպի կեանք» [տեսն Բ Կորն. Բ 16]: Բանզի ուլքեր ախտաւոր հոտի զարշոթիւնն աւելի սիրեցին, քան հոտը Կենդանացնողին, նրանց մահ եղաւ՝ նրանց անփափագ լինելու համար դատապարտելով: Իսկ ուլքեր այս զազրելի [հոտերն] արհամարհեցին ճշմարիտի սիրով, նրանց համար իրապէս կեանքի պատճառ եղաւ, Ում մասին էլ Երգ երգոցում այս ըզձացող պանծալի հարսը յայտարարում է. «Եղուած իդ է Բո անուրը, ուստի եւ օրիորդները սիրեցին Զեզ» [Երգ Ա 2] եւ այդ կեանքն անախտ սիրով իրենց մէջ առան եւ այդ կեանքի միաւորութեամբ կենդանացան մշտնջենաւոր անմահութեան համար:

ԾԴ

Ուլքեր ախորժում են սրբութեամբ հաղորդ լինել Ամենասուրբին, պէտք

է նաեւ ճաշակելիքը փակեն ընդդէմ ամեն վնասակար հեշտութեան: Զանի որ թպտ եւ Աստուծոյ թոյլ է տրուած հարկաւորի վայելումը, ինչպէս եւ ասաց. «Ահաւասիկ տուեցի ձեզ ամեն բան, կերէք իբրեւ բանջար» [ԾՆՆ. Թ 3], քանզի, որպէս մարմինն արարող, գիտք նրա տկարութիւնն ու պէտքերը, բայց արգելեց աւելորդ կերակուրներից՝ անչափ որկորստութիւնից*, որով անմիտներն անկարգաբար խճողում են որովայնները, որովհետեւ չգիտեն մեր բնութեան կարգաւորութիւնը, թէ կերակուրն Արարչից նրա համար տրուեց կենդանիներին, որ կենդանութիւն, զօրութիւն եւ առողջութիւն պահի մարմինների մէջ: Զանզի բնութիւնը, հոսանուտ** լինելով, ստացածը չի պահում, ուստի եւ թափուածի փոխարէն լրացման կարիք է զգում: Իսկ նրանք, այս չիմանալով, կարծում են անյազութեամբ առաւել շնորհ տալ որովայնին, որով ոչ միայն հոգին, այլեւ մարմինը, որին բարեգործել են կարծում, վնասում են եւ բազում ցաւերով պատում, շատ անգամ նաեւ՝ մահուամբ՝ դրանցում անասուններից էլ անմիտ երեւալով, քանզի նրանք, ընդունելով կերակրի եւ ըմպելիքի կարիքի չափը, թէւ այլ բազում [կերակուրներ] էլ առջեւները դրուած լինեն, դրանց վրայ նոյնիսկ նայել չեն կամենում: Իսկ սրանք ազահութեամբ կեանքի պատճառները մահուան [պատճառ] են դարձնում, մարմինը ծանր ցաւերով վտանգում են անմահ հոգին յաւիտեակական մահուանը ժառանգ դարձնում՝ մոռացած իրենց համար առաքելալի ողբը, որ ասում է. «Լալով ասում են Քրիստոսի Խաչի թշնամիներին, որոնց վախճանը կորուստն է, որոնց աստուածը՝ իրենց որովայնը, եւ փառքը՝ անօթը» [Փիլիպ. Գ 19], այսինքն՝ որովայնամոլութիւնը: Եւ զուր չի աստուած անուանում այդպիսիների որովայնը, այլ՝ ճշմարտացիօրէն, քանզի Աստուծոյ պատիւը ճանաչում է Նրա պաշտամունքից եւ պատուիրանի կատարումից, իսկ որովայնինը՝ վերջինիս սպասաւորելուց: Արդ, ուլքեր որովայնին առաւել են հպատակում, քան Աստուծոյ պաշտամունքին եւ պատուիրանին, քաջայայտ է, թէ որովայնն են աստուած համարում, որին էլ ծառայութիւն են մատուցում: Յիրաւի է նաեւ Խաչի թշնամիներ կոչում այդպիսիներին, քանզի Խաչի անունը չարչարանքներն են՝ ըստ հենց Տիրոջ խօսքի. «Ով կամենում է, - ասում է, - գալ Իմ ետեւից, թող վերցնի խաչը եւ գայ» [տեսն Մատ. ԺԶ 24], այսինքն՝ չարչարանքները: Զանզի «Եւ, - ասում է, - մարմնագեցութեանս մէջ խաչի եւ չարչարանքների ճանապարհով

* որկորստութիւն - որկրամոլութիւն, որովայնամոլութիւն

** հոսանուտ - հոսական, հոտող եւ լուծուող, հոսանուտութեամբ բնորոշում է մարդկային բնութեան սննդաթափան համակարգը

զնացի, որով եւ Ի՛մ սեփական փառքի մէջ մտայ: Եւ ով ցանկանում է Ի՛նձ հետ գալ եւ Ի՛մ փառքի մէջ փառատրուել խաչի, այսինքն՝ չարչարանքների ճանապարհով թող գայ, որը նեղ է եւ անձուկ: Քանզի ով լայն եւ ընդարձակ [ճանապարհով] է ընթանում, որը որկորատութիւնն ու այլ մարմնական հեշտութիւններն են, նա ոչ թէ կեանքի եւ փառքի կիսանի, այլ՝ տանջանքների եւ կորստեան»: Նոյնը նաեւ առաջեալն է ցոյց տալիս՝ ասելով «Եթէ Քրիստոսի չարչարանքներին ենք կցորդ, Նրա փառքին էլ հաղորդ կլինենք» [Նոյն Ը 17]:

ՕԵ

Իսկ ինչ ասեմ արբեցողների մասին, որոնք յոյժ գերազանցում են անյազ ուտողներին: Քանզի ովքեր կերակուրների ազահութեամբ են ընթանում, թեպէտ, ըստ վերն ասածի, հոգին եւ մարմինը վնասում են, սակայն բանական իմաստութիւնը, որով անբան կենդանիներից տարբերուեցինք, չեն եղծում, այլ առողջ են մնում բանականութեամբ եւ խոհականի ընտրողութեամբ: Իսկ արբեցողները բանական իմաստութիւնը, որը տիրականի պատկերն է, ապականում են, քանի որ ըստ պատշաճի ոչ խորհել եւ ոչ գործել են կարողանում: Եւ սրանով ոչ միայն անասուններին են հաւասարում, այլեւ նրանցից շատ ատելի անմիտ դառնում: Քանզի թեպէտ եւ նրանք բանական հանճարից զրկուած են, սակայն ունեն բնական շարժումներ՝ ըստ իրենց կեանքի կարիքի չափի՝ իրենց օգտակարն ընտրելու, այսինքն՝ միմեանցից տարբերելու առողջարար եւ մահացու կերակուրները: Գիշատիչ գազաններից խուսափում են, որոգայթներից զգուշանում, գահաւանդներից եւ խորխորատներից հեռու մնում, ամռանը ցուրտ լեռները ելնում, ձմռանը տօթազին դաշտերն իջնում եւ սրանց նման այլ բազում [արարքներով] խոհականութեան կերպարանքն են իրենցում արտայայտում: Եւ ոչ միայն՝ այսքանը, այլեւ ոտքով ուղիղ են քայլում, աչքով՝ անսխալ տեսնում եւ ունկով՝ արագ լսում: Իսկ արբեցողները ոչ միայն բանական իմաստութիւնն ու խոհական ընտրողութիւնն են կորցնում, այլեւ այս անասնային [յատկութիւններն] էլ իրենցում չունեն, քանզի բոլոր զգայական զօրութիւնները կորցնում են, որովհետեւ ոտքով ուղիղ չեն կարողանում ընթանալ, այլ՝ երեւում, եւ շուտով ընկնելով տապալում են եւ ուրիշների կողմից իբրեւ դի բարձրացուելով բերում: Եւ ոչ էլ աչքերն են ըստ պատշաճի տեսնում, մինչեւ իսկ բարեկամներին եւ թշնամիներին միմեանցից տարբերել չեն

կարողանում: Ունկը եւս ճիշտ չի լսում, քանզի բազում խօսքեր այլ կերպ է հասկանում: Ոչ էլ լեզուն է, խօսքին յարմարելով, կապակցուած եւ ըստ կարգի շարժում: Չեղջը նոյնպէս պատշաճապէս չի շարժում՝ գործելու համար: Իսկ նրանց մասին, ովքեր, անմիտ կերպով շայլելով, գինարբուների հաւաքի մէջ անմտաբար ծախսում են եւ յետոյ զոչում, ինչ պետք է ասել, քանզի [դրանցից] շատերը կեանքի միջոցը՝ ամբողջ ունեցուածքը, մէկ օրում վատնում են: Եւ միայն այսչափ չեն արբեցութեան վնասները, այլ քանի որ [արբեցողը] խելայեղ է դառնում եւ չի իմանում՝ ինչ է խօսում եւ կամ գործում, խօսքով ընկնում է վէճերի, զրգոտութեան, հակառակութեան, բարկութեան եւ զայրոյթի, կռուի եւ թշնամանքի, հայեոյութիւնների եւ նախատիճքի, արհամարհանքի եւ ոտնահարութեան եւ սրանցից էլ՝ հարուածների եւ ծեծերի մէջ, որոնց պատճառով բազում անգամ տեղի են ունենում նաեւ սպանութիւններ: Սրան [հետեւում են] բանտ, կապանք, տուգանք եւ ունեցուածքի յափշտակութիւն, անդամահատում, հայրենիքից վտարում, օտարութեան մէջ հալածանք եւ կամ մահուան փոխարէն մահ: Ահա տեսնո՛ւմ եւ, որ արբեցողը ոչ միայն անասուններին է հաւասարում, այլեւ խոզերից, շներից, գորտերից եւ այլ ատելի զագրելի գեռուներից ատելի վատթար է: Եւ սրանք մարմնական [տուգանքներն] են, որոնք յոյժ փոքր եւ նուազ են հոգեւոր տուգանքների համեմատութեամբ: Քանզի շների*, պոռնիկների, սպանողների եւ չարագործների հետ արբեցողը զրկուած է արքայութիւնից եւ ժառանգում մշտավառ եւ անշփշանելի գեհեմը՝ ըստ առաքելական խօսքի. «Մի՛ խաբուէք, - ասում է, - քանզի ոչ շները, ոչ պոռնիկները, ոչ իզացողները, ոչ արուագետները, ոչ բամբասաղները, ոչ արբեցողները չեն ժառանգի Աստուծոյ արքայութիւնը» [տես Ա Կորն. Զ 9]:

ՕԶ

Ուրիշ շատեր էլ կան, ովքեր ոչ միայն որկորատութեամբ եւ արբեցութեամբ են սահմանն անցնում, այլեւ աստուածային օրէնքով սահմանուած պահքն են լուծում. ոմանք՝ ամէն տեսակ անթոյատրելի կերակուրներով, ոմանք էլ՝ ձկով, զինով եւ ձէթով: Եւ պատճառաբանում են՝ ասելով «Աստուած կերակրի համար չի բարկանում որեւէ մէկի վրայ, քանզի այն պատճառով ստեղծեց այն եւ տուեց մեզ, որպէսզի վայելենք Նրա առատ պարգեւներն ու փառատրեմք Նրան: Մի՛րտք, - ասում են, - պետք է պահել չարից եւ որեւէ մէկի հանդէպ չար չգործել, քանզի այս

* շուն - շնացող

են միշտ ուսուցանում աստուածային պատուիրանները»:

ԾԷ

Այդպիսիներին ասում ենք, թե Ով պահքն օրինադրեց, ոչ [միայն] սիրտն, ասաց, չպղծել չարիքներով կամ ընկերոջը չորտմեցնե, այլև դրանց հետ պահել նաեւ այս, ջանգի միայն մի պատուիրանի պահպանութիւնը բաւական չէ ուղղուելու համար: Եւ լսի՛ր առաքեալին, որ ասում է. «Եթէ մէկն ամբողջ օրէնքը պահի եւ մէկ բանով մեղանչի, ամբողջ օրէնքին պարտական կլինի» [Յակ. Բ 10]: Արդ, ինչպէս որ մարմինը ոչ միայն մէկ, այլև ամէն տեսակ պիտանացու կերակրով ենք կերակրում, այդպէս էլ հոգին, որի կերակուրն Աստուծոյ պատուիրաններն են, ոչ մէկ կամ սակաւ, այլ բոլոր պատուիրաններով պէտք է կերակրել, ջանգի Տէրը ոչ միայն ասաց, թէ մարդ կապրի Աստուծոյ բերանից ելած խօսքով, այլ ամենայն խօսքով [Մատ. Դ 4]:

ԾԸ

Իսկ եթէ մէկն ասի, թէ հրաժարելի կերակուրը միսն է եւ այն, ինչ մսից է, ջանի որ ծնունդ է կենդանիների, իսկ ձուկը՝ ջրի, եւ ձէթն ու գինին՝ պտուղների, որոնք անխտիր պէտք է ուտել, ո՞հ տափակ եւ յիմար պատճառաբանութիւն մի՞թէ բոլոր տարերքները հաւասար չեն՝ հողն ու ջուրը, օղն ու հուրը, եւ նիւթական արարածների մէջ չկայ մի էութիւն, որ այս չորս տարերքներից գոյացած չլինի՝ բանաւոր եւ անբան, կենդանի եւ անկենդան: Իսկ եթէ դարձեալ ասի, թէ Աստուած ասաց. «Թող կենդանի շունչ բխի երկրի վրայ՝ չորքոտանիներ, սողուններ եւ՝ գազաններ՝ ըստ տեսակների» [ՄՆՆ. Ա 24] եւ դարձեալ ասաց. «Թող հանեն ջրերը կենդանի շնչաւոր գեռուններ, թեւաւոր թռչուններ եւ կտներ, ձկներ եւ զանազան խայտացող կենդանիներ» [տեսն նոյն Ա 20], եւ անհասփկ անասունները երկրի ծնունդ են, իսկ ձուկը՝ ջրի, ուստի պէտք է ձկներ ուտել եւ ոչ՝ անասուններ... Բայց սկզբում ասացի, թէ ոչինչ երկրի վրայ մի տարրից չի գոյացել եւ ոչ՝ երկուսից կամ երեքից, այլ՝ բոլոր չորսից: Եւ [ինչպէս] այն, որ, ասուեց, թէ հողից է, ունի ջուր եւ այլ [տարրեր] իր հետ, այդպէս էլ այն, որ ջրից է, ունի եւ՝ հողի, եւ այլ [տարրերի] խառնուրդ: Իսկ եթէ դարձեալ հակառակուում ես, թէ նուազ է այն, որ ասուեց, թէ ջրից է, նրանից, որը հողից է, ինչո՞ւ նաեւ թռչունները չես ուտում, ջանի որ նրանք ջրից եւս [կազմուած] են, եւ կամ ինչո՞ւ բոյսերից եւ սերմերից չես հրաժարուում, ջանի որ նրանք

հողից՝ եւս [կազմուած] են: Իսկ եթէ կենդանի լինելն եւս պատճառ բերում, անհա ձկները եւս կենդանի են եւ [լինում] են մեծ եւ երկրի վրայի բոլոր կենդանիներից էլ յարթանդամ:

ԾԹ

Բայց ես չեմ նշում այս կամ այն պատճառը, այլ՝ դրուած սահմանից անցնելը, ջանգի առաջին պահքի լուծումը, որով անե՞ծք եւ մահ մտաւ աշխարհ, մտով, ձկնով, գինով եւ կամ ձէթով չէր, այլ՝ պտղով: «Բարու եւ չարի գիտութեան ծառից, - [Աստուած] ասում է,- մի՛ կերէք» [ՄՆՆ. Բ 17]: Եւ յանցանքից յետոյ պատժելիս դարձեալ նոյնը երկրորդեց. «Փոխանակ այն բանի, - ասում է,- որ կերար այն ծառից, որից չուտել պատուիրեցի, անհիճեալ լինի երկիրը քո գործերի պատճառով եւն» [տեսն ՄՆՆ. Գ 17]:

Կ

Արդ, ինչպէս որ աստուածային օրենսդիրները զատեցին պահքի եւ ուտելու օրերը, այդպէս էլ զանազանեցին կերակուրները որոնք համարեցին մարմնի համար զօրաւոր, հեշտալի եւ անորժելի, օրինադրեցին պահքի օրերին չուտել, ոչ թէ՛ որովհետեւ Աստուած մեր պահքի կարիքն ունի, այլ՝ որպէսզի Նրա հրամանի հնազանդութեան տակ լինե՞նք: Սա մարդկանց մէջ եւս տեսնում է ջանգի իշխանութեան տակ ընկածների համար ընկում են ոչ այնքան մեծամեծ կամ փոքր պատճառները, որքան իրենց հրամանի հանդէպ անհնազանդութիւնն ու արհամարհանքը: Այդպէս, ամէն մէկի պէտք է հնազանդուել աստուածային օրինադրութեանը, որն [Աստուած] կարգեց Եկեղեցու առաջնորդների միջոցով: Եւ կերակուրները, որոնցից, ըստ աստուածային պատուիրանի, պահքի միջոցով զրկեց իրեն, [պէտք] է յատկացնել հարկաւոր [պէտքերի] կարօտեալներին: Նաեւ ունեցուածքի, կերակուրների եւ ցանկացած բանի աւելցուկն առատապէս բաշխել եւ տալ աղքատներին, ջանգի բարեգործութեան արդարութիւնը յախտեան կմնայ, համաձայն Բարերարի խրատի, երկրաւոր ապականացու եւ ցնդելի նիւթը, որը ցեցի եւ ժանգի կերակուր է, ասես վաճառականութեամբ տալ աղքատների ձեռքը եւ զանձել երկնքում, որն ապահով է գոզերից եւ ցեցից, եւ փոխարէնը ստանալ երկնքի անապական եւ անփոփոխ արքայութիւնը՝ ըստ հե՛նց Տիրոջ՝ բարեգործների դասին ուղղուած երանաւտ ձայնի. «Եկէ՛ք, - ասում է,-

Իմ Հօր օրհնեալներ, ժառանգեցէ՛ք աշխարհի սկզբից ձեզ համար պատրաստուած արքայութիւնը: Զանգի թաղցեցի, եւ կերակրեցիք Իճձ, ծարաւեցի, եւ խմեցրիք Իճձ, օտար էի, եւ վերցրեցիք Իճձ ձեր յարկի տակ, մերկ էի, եւ հագցրեցիք Իճձ, հիւանդ էի, եւ Իճձ տեսութեան եկաք, բանտում էի, եւ Իճձ մօտ եկաք»: Երբ նրանք տարակուսեցին՝ տեսնելով Նրան այնպիսի փառաւորութեան մէջ, եւ ասածները Նրան անհամապատասխան էին համարում, հարցրեցին, թէ՛ «Ե՛րբ տեսանք Քեզ այդպիսի կարիքի մէջ եւ բարեգործեցի՞նք, ինչպէս եւ գոհանում ես»: Պատասխանեց նրանց եւ ասաց. «Որովհետեւ արեցիք այս փոքրերից եւ արհամարհուածներից մէկին, Իճձ արեցիք: Զանգի Ես էի, որ նրանց ձեռքով ողորմութիւն էի վերցնում ձեր ձեռքից» [Մատթ. ԻԵ 34 եւ այլն]: Արդ, ըստ վերը գրուած այդ բոլոր վնասակար (կերակուրների) դէմ պէտք է փակել ճաշակելիքը եւ լաւագոյնների համար բանալ, եթէ պատրաստուել էք, ըստ արարչադիր հրամանի. շարժել այն բնական գործառնութեան:

ԿԱ

Այնուհետեւ պէտք է լեզուի վրայ եւս սանձ դնել, թանգի թելալտ եւ փոքր անդամ է, սակայն մեծ-մեծ՝ [խօսքեր] է բարբառում՝ ըստ առաքեալի, որն այն կոչում է անիրաւութեան զարդ եւ ամբողջ մարմնի ապակահիչ. «Նրանով, - ասում է, - օրհնում ենք Աստուծոյ եւ նրանով անիծում մարդկանց, որոնք Աստուծոյ պատկերով ստեղծուեցին»: Եւ, թաղոր ու ողորջական խօսքով խրատելով, ասում է. «Չպէ՛տք է, եղբայրներ, սա այսպէս լինի, թանգի ինչպէս աղբիւրը մի ակունքից միաժամանակ թաղցր եւ դառը [ջուր] չի բխեցնում» [տես Յակ. Գ 9], այնպէս էլ լեզուն, որն Արարչից իբրեւ թաղցր եւ շնորհալից խօսքերի գործարան հաստատուեց մեր այս բնութեան մէջ, իրաւացի չէ՛, որ հայիոյութեան եւ բանբասանքի, վէճի եւ հակառակութեան, ստութեան եւ չարխօսութեան, թշնամանքի եւ զրպարտութեան, քսութեան եւ մատուցութեան, խեղկատակութեան եւ դատարկաբանութեան, երդմանհարութեան եւ շողոքորթութեան եւ այլ յոգնապատիկ շաղակրատութեան դառնութիւն իրենից բխեցնի, մանաւանդ՝ յիշոցատութեան անօրէն եւ հոգեկորոյս խօսքերը, որոնք որոմնացան թշնամու սերմանած եւ նրա հաճոյակատար մշակների մշակած եւ անեցրած սերմերն են, որ բոլոր յանցանքներից առաւել դժնդակ եւ ծանր է եւ առաւել է խաւարեցնում հոգու պայծառութիւնը եւ անխուսափելի ժառանգ դարձնում անշիջանելի

գեհե՛նի մշտապառ հրին: Զանգի եթէ եղբօրը յիմար եւ մորս* ասելը, ըստ Տիրոջ խօսքի, գեհե՛նին է պարտաւորեցնում, որչա՛փ առաւել եւս՝ ամէն ականջի համար անհնարին եւ դժնդակ անարգանքների եւ նախատինջների խօսքերը՝ ասես դժոխային մտքերից հաւաքուած եւ [դժոխային] լեզուից թափուող: Մինչեւ իսկ անասունների եւ գազանների նմանեցնող խօսքերով են անարգում Աստուծոյ պատկերով ստեղծուած մարդուն, որով նախատիպ Աստուծոյ իրենց վրայ բարկութեան եւ վրէժխնդրութեան են շարժում: Շատ անգամ էլ սուրբ եւ անմեղ հոգիներին են հայիոյում: [Այսպիսիների մասին] Տերն ասաց, թէ բնաւ թողութիւն չեն ունենայ՝ ոչ այս եւ ոչ հանդերձեալ աշխարհում:

ԿԲ

Այլ լեզուն պէտք է սանձել այս բոլոր անկարգ շարժումների հանդէպ, դարձեալ՝ գեղեցկապէս այն շարժել երեք Անձերի եւ Մի Աստուածութեան՝ համարուն եւ զուգական Երրորդութեան սուրբ եւ ուղղափառ հաւատքի խոստովանութեան, աշխարհանորոգ եւ փրկական տնօրհնութեան դաւանութեան, անսահման բարերարութեան եւ յոգնառատ պարգեւաբաշխութեան օրհնութեան եւ փառաբանութեան, [սեփական] անձի եւ ազգի փրկութեան համար մշտանուէր աղերսների, գործերով, խօսքերով եւ խորհուրդներով նախապէս գործուած յանցանքների աներկիւղ յանդիմանութեամբ եւ գովելի ամօթխածութեամբ, անպատկառապէս, մեծամեծներից չնչիններից հասնելով խոստովանութեան, նաեւ՝ խրատելու, օգտակար լինելու համար նրանց, ովքեր նման հոգեւոր եւ մարմնաւոր կարիքներ ունեն: Չեղք պարզել սայթաքածներին, մխիթարել սգաւորներին, կանգնեցնել յուսահատութեամբ ընկածներին, բժշկել թերահաւատութեամբ ընկճուածներին, թաշաւերել հեղգութեամբ վիատուածներին, սրտապնդել արիւթիւնից յողորդուածներին, զօրացնել պնդութեամբ հաստատուններին: Եւ երբէք չխօսել այն, ինչ պիտանի չէ ոչ իրեն եւ ոչ լսողին, այլ՝ ինչ բոլորին է օգտակար՝ ըստ առաքեալի, որ ասում է. «Թող ձեր խօսքը ճշմարտութեան աղով համեմուած լինի, որպէսզի շնորհներ տայ լսողներին» [Կողոս. Դ 6]:

* մորս - խօս, գիծ

Ապա ըստ կարգի պատշաճ է խօսել նաև շոշափելիքի մասին եւ նրա յանդուզն յարձակումը ետ մղել, որի միջոցով [հոգիին] դիւրութեամբ մտնում է չարութեան մէջ եւ ընկնում մեղքերի մէջ: Եւ նախ պէտք է կարճել զարշ ու զագրելի շոշափումը, որը զելիերի եւ անառակների մօտ անուսնութեան եւ պռռնկութեան ժամանակ է լինում: Չեմ ասում՝ զգաստների եւ պարկեշտների մօտ, քանի որ նրանք խորշում են այդպիսի աղտեղութիւններից: Քանզի մեր բնութիւնն ամեն պիտանի գործի համար պատշաճաւոր գործիք իրենից ունի, եւ ինչպէս որ իւրաքանչիւր գործի մէջ իրեն յարմար գործիքներով է շարժում, նմանապէս էլ սրանցում իրեններով կբարարարուի: Կան վաւաշտներից ոմանք, ովքեր նոյնիսկ առանց գործակցի մաքառում են իրենք իրենց դէմ եւ ախտերի* հոսմամբ զարշ ցանկութիւններ կատարում, որը ոչնչով նուազ չէ պռռնկութիւնից, այլ, զոչգ եւ հաւասար է շնութեանը, գործողին արքայութիւնից հեռացնում է եւ զեհեհին ժառանգ դարձնում: Սրանից պէտք է առաւել զգուշանալ, քանզի հեշտութիւնը սակաւ է, իսկ պատուհասը՝ բազում:

Չեռքերը զգուրթիւնից եւս պէտք է հեռու պահել՝ ըստ առաքեալի հրամանի, որ ասում է «Ով գողանում էր, թող այնուս չգողանայ, այլ մանաւանդ աշխատի իր ձեռքերով բարիք գործել, որպէսզի կարողանայ տալ ում պէտք լինի» [Եփես. Դ 28]: Չեռքերը կաշառքից եւս [պէտք է] թօթափել, որը պարսաւում է մարգարեն՝ ասելով. «Նրանց ձեռքերն անօրհնութեան մէջ են, եւ նրանց աչ ձեռքը լի է կաշառքով» [Սաղմ. ԻԵ 10]: Քանի որ կաշառքն, ասում է, կուրացնում է վերցնողին՝ դատաստանը թիրելու, որովհետեւ անհնար է զուգակցել կաշառքը եւ իրաւունքը: Քանզի ինչպէս որ հուրը մոմն [է հալեցնում], եւ ծուխը՝ մեղուներին [փախցնում], այդպէս էլ կաշառքն է իրաւունքը հալեցնում եւ փախցնում: Իսկ կաշառքից հեռացածներին բարեբանութեամբ զովում են՝ ասելով. «Ով իր ձեռքերը թօթափում է կաշառքից... [նա կբնակուի հաստատուն բարձր վնի վրայ]» [տե՛ս Եսայի ԼԳ 15] եւ թէ՛ «Իրաւունքի համար նա կաշառք չի վերցնում. եւ ով այսպէս անի, նա չի սասանուի յախտեան» [Սաղմ. ԺԴ 6]: Դարձեալ պէտք չէ արծաթը

* ախտ— կիրք, մոլութիւն

տոկոսով պարտք տալ, քանզի վաշխերն ու տոկոսներն անբարիշտների տներում են, ասում է իմաստունը [տե՛ս Առակ. ԻԸ 8]: Սակայն եթէ, որպէս Քրիստոսի կատարեալ աշակերտ, ըստ Տիրոջ հրամանի, չես կարող փոխ տալ նրան, ումից ստանալու ակնկալութիւն չունես, որպէսզի այն բազմապատկութեամբ արքայութեան մէջ ստանաս, զոմէ ըստ մեղաւորների՝ փոխ տուր, որպէսզի վերստին հաւասար չափով ստանաս: Իսկ արծաթի անձնունդ բնութիւնը ծննդական դարձնելը հակառակ է Աստծուն, քանզի Նա կենդանիները ծննդական սահմանեց եւ ոչ թէ՛ արծաթը: Եւ՝ կենդանիները տարուայ մէջ են մի անգամ ծնում, իսկ արծաթը՝ անսուայ մէջ այս անեցից դժնդակ է եւ Աստծուն առաւել ընդդէմ, քանզի դու որպէս նրանից զօրաւոր եւ իմաստուն կարողացար վերցնել այն, ինչում նա տկարացաւ:

Մէկի հարուածելու համար եւս ձեռքը չմեկնել, քանզի Տիրոջից հարուածել չսովորեցինք, այլ հարուածողներին մեր ծնօտը մօտեցնել: Եւ ինչ որ խօսքով վարդապետեց, գործով կատարեց, քանզի չար ծառային, որ Իրեն ապտակեց, չաստեց եւ չպատուհասեց: Քանզի բազում անգամ սպանութիւն է գործում փոքր հարուածներից, էլ չեմ [ասում] անելի սաստիկների մասին:

Դարձեալ ձեռքը չմեկնել զոկանքի եւ յափշտակութեան համար, [մանաւանդ] որ հրաման ստացանք արդարութեամբ ժողովածը բաշխել եւ տալ կարօտեալներին: Եւ երբ սրանց հակառակների եւ օրէնքով հրաժարելիների դէմ շոշափելիքի ազատութիւնը փակում ենք, բացենք նրա համար բարեգործութեան օգտակար եւ պիտանի դռները: Մաքար աղօթքներով եւ անգթօս մտքով բարձրացնենք այն առ Աստուած՝ ըստ Դաւթի. «Գիշերը ձեր ձեռքերը բարձրացրէ՛ք դէպի Սրբութիւնը եւ օրհնեցրէ՛ք Տիրոջը» [Սաղմ. ԸԼԳ 2] եւ, ըստ Պօղոսի՝ «Կամենում եմ, որ այդերն ամեն ժամ իրենց սուրբ ձեռքերը բարձրացնեն առ Աստուած առանց բարկութեան եւ երկմտութեան» [Ս. Տիմ. Բ 8]: Քանզի բոլոր առաքիւնութիւններից աղօթքն առաւել ընտանի եւ մերձաւոր է Աստծուն: Քանզի միւս բոլորն իբրեւ հանդերձանք եւ պատրաստութիւն են Աստուծոյ մօտ մտնելու համար, իսկ առ Աստուծոյ հետ դէմ—յանդիման խօսակցութիւն է: Քանզի ինչպէս որ երկրագործի ողջ աշխատութիւնը

պտուղները հաւաքելու համար է, եւ խոհարարի ջանքերը՝ կերակրելու, այդպէս էլ ամէն բարեգործութիւն, զգաստութիւն եւ պարկեշտութիւն՝ մտքի ճանապարհը հարթելու, որ Աստուծոյ հետ՝ որպէս սիրելի բարեկամի, աղօթքներով անգբաղապէս զրուցի, [սեփական] անձի եւ աշխարհի հոգեւոր ու մարմնաւոր բոլոր կարիքներն առջելը դնի եւ Նրանից ամէն բարի գործի յաջողում եւ թշնամու որոգայթներից փրկութիւն հայցի:

ԿԷ

Եւ առաքինութեան այս մասը միւսների պէս սահմանափակ չէ, այլ անսահմանաբար ամէն ժամ է պէտք կատարել՝ ըստ տէրունական հրամանի, որ ասում է. «Արթուն եղէք եւ ամէն ժամ աղօթեցէ՛ք» [Ղուկ. ԻԱ 36]: Բանգի նաեւ բոլոր աղօթքներն Ընդունողը բազում անգամ ողջ գիշերն անցկացնում էր առ Աստուած աղօթքներով՝ մեզ օրինակ եւ ուղղութիւն ցոյց տալով: Նրանից սովորած առաքելալն էլ ասում էր. «Ամէն ինչում գոհացէ՛ք, անդադար աղօթեցէ՛ք» [Ա. Թեա. Ե 17]: Բանգի այսպէս, վայելչական է նախ տրուած բարիքների համար գոհանալ եւ ապա զալիքի համար աղօթել: Եւ ոչ միայն [սեփական] անձի, տան, որդիների եւ ընտանիքի համար այս անել, այլեւ՝ ողջ աշխարհի, իւրաքանչիւրի հոգու եւ մարմնի պիտանիւն եւ օգտակարը սնօրհինելու: Առաւել եւս թշնամիների եւ ատելիների համար է [պէտք աղօթել]՝ ըստ խօսքի, թէ՛ «Օրհնեցէ՛ք ձեզ անհիծողներին եւ աղօթեցէ՛ք նրանց համար, ովքեր ձեզ վկում եւ հալածում են» [Ղուկ. Զ 21]: Բանգի այս ամենը հալածում է ատելութիւնն ու ռիսակալութիւնը, որովհետեւ որոնց համար որ [մէկը] ճշմարիտ եւ աներկբայ սիրով աղօթում է եւ Տիրոջից փրկութիւն հայցում, նրանց հանդէպ ինչպէ՛ս կարող է ռիս պահել: Նաեւ թէպէտ թշնամութիւն ունենայ մէկի նկատմամբ, նախ պէտք է հաշտուի եւ ապա՝ աղօթքին մօտենայ: Բանգի եթէ հրամայում է պատարագը խափանել, քանի դեռ չի հաշտուել, որովհետեւ առանց դրա ընդունելի չէ, միջափ առաւել եւս՝ աղօթքը: Բանգի նախ պէտք է հաշտուել եւ ողջ ատելութիւնն ու ռիսը վերացնել եւ ապա՝ աղօթքի մէջ նրանց համար Տիրոջից բարիք խնդրել: Եւ այս անել, որովհետեւ մենք էլ առաւելապէս կարիքի մէջ ենք: Բանգի, ըստ բիրք քանգարների եւ հարիւր դահեկանի թուի, միմեանց հետ անհամեմատելի են Աստուծոյ հանդէպ [գործուած] մեր յանցանքները եւ մեր հանդէպ [գործուած] ընկերների յանցանքները: Ուստի եւ իրաւացի է պարտապանին սակաւը թողնել,

որպէսզի մենք էլ բազումի համար թողութիւն գտնենք: Բանգի Տերն ասաց. «Եթէ իւրաքանչիւր եղբօր յանցանքները ձեր սրտերից ներքե, ձեր երկնաւոր Հայրն էլ ձեզ կների ձեր յանցանքները: Իսկ եթէ ձեր եղբայրների յանցանքները չներքե, ձեր երկնաւոր Հայրն էլ ձեզ չի ների ձեր յանցանքները» [տես Մատթ. Զ 14]: Արդ, այսպիսի սուկալի եւ իրաւացի հրամանի պատճառով պէտք է ողջ սրտից ներել պարտապաններին եւ սիրով աղօթել նրանց համար: Բանգի, այսպիսով, Աստուած մեզ իշխան կարգեց մեր մեղքերի թողութեան վրայ, որովհետեւ ինչ սրտով որ մենք ենք թողնում նրանց պարտքերը եւ սեր ու գութ ցուցաբերում նրանց հանդէպ, ըստ այդ չափի էլ Աստուած մեր յանցանքներն է ներում եւ Իր արարչական սերն ու գթութիւնը սիւսում մեզ վրայ:

ԿԸ

Եւ աղօթքի՝ ցերեկն ու գիշերը սահմանուած բոլոր ժամերին պէտք է փութալ Աստուծոյ եկեղեցին եւ կամ աղօթքի որեւիցէ տեղ, առաւել եւս՝ սուկալի եւ մեղաքարիչ Պատարագի ժամին: Բանգի եթէ քո Տերն անձառ սիրոյ պատճառով, իջնելով անբաւ բարձրութիւնից, պատարագում է քո մեղքերի քաւութեան համար՝ դառնալով հաշտութեան միջնորդ՝ Հօր եւ քո միջեւ, ինչպէս եւ ասաց. «Այս է Իմ Մարմինը, որ բաշխում է ձեր մեղքերի թողութեան համար» [Մատթ. ԻԶ 26], որչա՛ն առաւել եւս իրաւացի է քեզ զնալ եւ ընկնել [Նրա] առջեւ եւ գոհանալ ու շնորհ ստանալ անբաւ Բարեբարութիւնից, որ պարտաւորներին, անարժաններին եւ բիրապատիկ յանցանքներով Նրանից ապստամբածներին համար Իր անձը նուր է պատարագ է տալիս՝ պատժապարտներին Հօր հետ հաշտեցնելու: Եւ քանի որ մենք ամէն ժամ ենք խորհրդով, խօսքով եւ գործով մեղանչում, ուստի Նա եւս ամէն օր է պատարագում, որպէսզի ամէն օր գործուած մեղքերը քաւի: Եւ եթէ ամէն օր սուկալի Խորհրդի կատարման ժամին զնում ենք եւ գոհանում ու շնորհ ստանում Մարդասիրութիւնից, ճանաչում երախտիքները եւ մեր աղօթքներն ու արտասուքը խառնում Նրա գթութեանն ու բիրապատիկ երախտագործութիւններին, շնորհը ներգործում է մեզ վրայ, եւ մեղքերի թողութիւն ենք ստանում: Իսկ եթէ ծուլանում եւ սուրբ Խորհրդի կատարման ժամին չենք զնում եկեղեցի, աղօթում եւ գոհանում անբաւ Բարեբարութիւնից եւ խնդրում մեղքերի թողութիւն, այլ մարմնական հոգսերը, սնոտի զբաղմունքները եւ

ծուլութիւնն ու մարմնի հեշտութիւնն աշխարհակեցոյց եւ փրկագործ
Խորհրդից նախապատիւ ենք համարում, ոչ միայն Նրանից օգուտ չենք
ստանում, այլեւ արհամարհանքների եւ անտեսելու փոխարէն առաւել
բարկութեան ենք մեզ վրայ շարժում անախտակիր Բնութեանը: Բանգի
եթ մի երկրաւոր թագաւոր գայ թաղաք՝ բարեգործելու եւ
քաղաքացիներին պարգեւներ շնորհելու, իսկ նրանք չզման նրան
ողջունելու, երկրպագելու, սպասաւորելու եւ շնորհակալութիւն յայտնելու,
այլ արհամարհութեամբ զանց առնեն՝ իւրաքանչիւրն իր գործով եւ
աշխատանքով զբաղուելով, ոչ միայն բարի պարգեւները չի բաշխի
նրանց, այլեւ մեծապէս կբարկանայ եւ կպատուհասի, հապա երբ
երկնաւոր Թագաւորը գայ՝ անմահ կեանքի անապական պարգեւները
բաշխելու անարժաններին եւ ապերախտներին, եւ մենք արհամարհենք
եւ անտեսենք՝ ապականացուն եւ ցնդելին միշտ անփոփոխ
անապականից նախամեծարելով, որքան աւելի Նրան բարկութեան եւ
ցասման մեզ վրայ կշարժենք, ջան թե՛ ողորմութեան:

ԿԹ

Եւ ոչ միայն պէտք է աղօթել սուրբ Պատարագի առջեւ, այլեւ՝
հաղորդուել փրկական Խորհրդին, ջանգի ասաց, թէ հաղորդուողներին
մեղքերի թողութիւն կլինի եւ ոչ թե՛ չհաղորդուողներին: Բանգի նախ
ասաց, թե՛ «Առէ՛ք, կերէ՛ք, այս է Իմ Մարմինը» եւ ապա՝ անելացրեց. «որ
բաշխուում է ձեր մեղքերի թողութեան համար» [Մատթ. ԻԶ 26]: Եւ
դարձեալ ասաց. «Եթէ չուտք մարդու Որդու Մարմինը եւ չիմէք Նրա
Արիւնը, կեանք չէք ունենայ ձեր անձերում» [Յովհ. Զ 54] եւ դարձեալ՝
«Ով ուտում է Իմ Մարմինը եւ խմում Իմ Արիւնը, բնակում է Իմ մէջ, եւ
Ես՝ նրա մէջ» [Յովհ. Զ 57]: Ահա տեսնում ես, որ ճաշակողների՝
փրկութեան համար է եւ ոչ թե՛ չհաղորդուողների: Բայց նաեւ
հրամայում է ոչ թէ անպատրաստ հաղորդուել, այլ՝ սրբութեամբ: Բանգի
առաջեալն ասում է. «Թող մարդն իր անձը փորձի եւ ապա՝ այն «ացից
ուտի եւ Բաժակից խմի, ջանգի ով անարժանութեամբ է ուտում եւ
խմում, դատաստան է ուտում եւ խմում իր անձի համար»: Եւ թե՛ «Այն
իսկ պատճառով են ձեր մէջ բազում հիւանդներ եւ ախտաժտներ, նաեւ
շատ են նրանք, ովքեր մեռած են» [Ա Կորն. ԺԱ 28-30], այսինքն՝
անարժան հաղորդուելու պատճառով:

Հ

Մակայն թերեւս մէկն ասի. «Մի՞թէ սկզբում չասացիր, թէ Ինքն է
ճաշակողների յանցանքների ջախջը, ինչպէս եւ ասաց. «Այս է Իմ
Մարմինը, որ բաշխում է ձեր մեղքերի ջառութեան եւ թողութեան
համար», իսկ այժմ էլ առաջեալի [խօսքերն] եւ մէջբերում, որ ասում է.
«Ով անարժանութեամբ է ուտում եւ խմում, դատաստան է ուտում եւ
խմում իր անձի համար». ահա՛ եւ տարակուսանք, որովհետեւ
[միմեանց] հակառակ են բարբառում»: Մակայն լսիր, ով դու,
[միմեանց] հակառակ չեն խօսում, այլ՝ յոյժ միաբան: Եւ [այդ] այսպէս
է մարմնին եւ արեանը վիճակուած հողանիւթեայ մարդն ինչպէ՛ն է իր
սրբութեամբ արժանանում Աստուծոյ միաւորուելու Նրա Մարմնի եւ
Արեան ճաշակմամբ: Բանգի եթ սերովբէն չէր համարձակուում մերձենալ
Նրա օրինակին, այլ ունեւիների կարիքն ունէր, մարդը, որ անչափ
փոքրութեամբ հեռու է սերովբէին նմանուելուց, ինչպէ՛ն կարող է
ճշմարտութեանը մերձենալ: Մակայն բարերար եւ մարդասէր Աստուած,
ըստ մարդկանց հանդէպ ունեցած Իր անչափ սիրոյ, կամենալով նրանց
Իրեն միացնել, իբրեւ սրբութեան պատճառ՝ խոստովանութիւնը եւ
ապաշխարութիւնը տուեց նրանց: Որպէսզի ամէն ոք ճշմարիտ սրտով,
ըստ իր մտքի գիտակցութեան, սրտի շտեմարանները մտնելով,
մանրամասնաբար որոնի հոգու, մարմնի եւ մտքի, խորհուրդների,
խօսքերի եւ գործերի բոլոր սխալանքները՝ եւ առանց ամաչելու եւ
ծածկելու խոստովանի՝ ամբաստանելով մեղքերը որպէս թշնամի, ըստ
կարողութեան չափի՝ ապաշխարութեան կարգը կրի եւ ապաշխարի ու
սրբուի:

ՀԱ

Մակայն պէտք է գիտենալ, որ բոլոր մեղքերը, հասնելով մինչեւ
չնչինները, ոչ ոք չի կարող յիշել կամ խոստովանել, թէեւ բիւր անգամ
ջանայ: Կասես, թե՛ գործերինը կարող է յիշել եւ խոստովանել, իսկ
խորհուրդներինն ու խօսքերինն ինչպէ՛ն [կարող է]: Եւ եթէ յիմար եւ
մորոս ասելը գեհեհին է դատապարտում [տե՛ս Մատթ. Ե 22], եւ
դատարկաբանութեան համար պատասխան պիտի տրուի [տե՛ս Մատթ.
ԺԲ 36], ով է, որ այս ամէնը յիշել է եւ կարող է խոստովանել: Արդ, ինչ
յիշեց, խոստովանեց եւ ապաշխարեց, այդքանով սրբուեց, եւ ինչ էլ

* սխալանք— յանցանք, մեղք, զանցանք, սխալ

չկարողացաւ յիշատակել, այն Քրիստոսի Մարմինն ու Արիւնն է սրբում:
Եւ ճշմարիտ են դառնում երկուսի էլ՝ Տիրոջ եւ առաքեալի խօսքերը:
Քանզի ով առանց խոստովանութեան եւ ապաշխարութեան է ուտում եւ
խմում [Քրիստոսի Մարմինն ու Արիւնը], դատապարտում է՝ ըստ
առաքեալի, իսկ ով խոստովանութեամբ եւ ապաշխարութեամբ [է ուտում
եւ խմում], քաւում է՝ ըստ Քրիստոսի: Այս նոյնն է ցոյց տալիս նաեւ
Որոտման Որդին՝ ասելով. «Եթէ ասում ենք, թէ մենք որեւէ մեղք
չունենք, ինքնեքս մեզ խաբում ենք, եւ ճշմարտութիւն չկայ մեզանում,
բայց եթէ խոստովանում ենք մեր մեղքերը, հաւատարիմ եւ արդար է
Նա՝ ներելու համար մեր մեղքերը, եւ Աստուծոյ Որդի Յիսուսի Արիւնը
մեզ սրբում է ամէն տեսակ անօրէնութիւններից» [տես՝ Ա Յովի Ա 8]:
Ըստ երեւոյթին ակնարկում է այն, որ թէպէտ եւ մէկը խոստովանում է,
սակայն կատարեալ թողութիւն Քրիստոսի մեղաքարիչ Մարմնի եւ
Արեան հաղորդութիւնն է պարգեւում: Ուսանում ենք սա նաեւ սերովբէի՝
մարգարէի [առջեւ կատարուած] օրինակից: Քանզի մարգարէն
խոստովանեց, թէ՛ «Պիղծ շուրթեր ունեն եւ պղծաշարժ ժողովողի մէջ եմ
բնակւում»: Եւ ապա սերովբէն ունեւիով վերցրեց սեղանի վրայի այն
հրից, բերեց մօտեցրեց մարգարէի բերանին եւ ասաց. «Ահա՛ այդ
դիպաւ ըտ շուրթերին, ըտ անօրէնութիւնները կվերացնի եւ ըտ մեղքերը
կարբի թեզանից» [տես՝ Եսայի Զ 5-7]: Ահա տեսնում ես, որ թէպէտ եւ
մարգարէն սուրբ էր եւ բոլոր մարդկանցից էլ առաւել, որ մինչեւ իսկ
Սուրբ Հոգու բնակարան էր եւ գորութիւնների Տիրոջը փառքի աթոռին
տեսաւ, սակայն մեղքերից մաքրուելու համար Քրիստոսի Մարմնի
օրինակի կարիքն ունեցաւ:

ՀԲ

Եւ առ Աստուած մաքուր աղօթքներով ձեռքերը բարձրացնելուց յետոյ
գարդարենք նրանք այլ բարեգործութիւններով նոյնպէս՝ տնանկներին
տալով եւ աղքատներին ձեռք մեկնելով, քանզի այս եւս քիչ չէ
նպաստում մեղքերից մաքրուելուն՝ ըստ այն [խօսքի, թէ՛] «Զո մեղքերը
ողորմութեամբ կքաւես եւ ըտ անօրինութիւնները՝ տնանկներին տալով»
[Դան. Դ 24]: Ձեռքերով գործել եւ կարօտեալներին տալ՝ ըստ Պօղոսի
խրատի. «Բարիք գործելուց, - ասում է, - մի՛ ձանձրացէք, քանի որ իր
ժամանակին առանց թուլանալու պիտի հնձէք» [Գաղ. Զ 9]: Եւ
օգնականութեան կարօտ բոլոր վտանգուածներին՝ հիւանդներին,
տկարներին, ծերերին, առանց ծաւրութեան սպասաւորել, ինչպէս

պահանջում է իւրաքանչիւրի բնական կարիքը:

ՀԳ

Ուղքերը եւս չպէտք է գատել ընտանի անդամների միաբանութիւնից եւ
առանց գարդարանքների անխնամաբար թողնել, այլ պակէլ դրանք
իրենց բնական գորութիւնների գործառնութեամբ: Քանզի թէպէտ եւ սա
զգայարաններից չէ, սակայն նրանցից ոչնչով նուազ չէ իշխանական
մտքի առաջնորդութեամբ իւրաքանչիւր բանում ունի ընդդիմակ գործերի՝
բարու եւ չարի շարժում: Ուստի պէտք է խոհականի վերակացութեամբ,
ասես հաստ եւ անքակտեղի կապանքներով, ետ պահել դրանք չար եւ
անօրէն ընթացքներից, չարժել դրանք գողերին եւ աւազակներին
միաբանուելու եւ հետեւելու համար՝ ըստ իմաստունի խրատի.
«Որդեակ՝, - ասում է, - ճանապարհ մի՛ գնա նրանց հետ, խտորի՛ր ըտ
ոտքը նրանց շախղներից, քանզի նրանց ոտքերը չարիքի մէջ են
ընթանում, եւ արագ են արիւն հեղելու մէջ» [Առակ Ա 15]: Եւ [չգնալ]
ոչ պոռնկութեան կամ արբեցութեան տուն, քանզի երկուսի վերջն էլ
դժոխքի յատակն է նայում, ոչ թատերախաղերի եւ լկտի տեսարանների,
քանզի բազում չարիքների պատճառ են, ոչ հմայողների եւ
կախարդների մօտ, քանզի Աստուծոյ օտարացնողներ են, ոչ էլ չար
խորհրդակիցների եւ գործակիցների մօտ՝ մէկի [հանդէպ] չարութիւն
խորհելու կամ գործելու համար: Եւ միանգամից խուսափել այն ամենից,
որ ոտքի վարմունքով Աստուծոյ հրամանների հանդէպ ապստամբութիւն
է՝ իր եւ կամ ուրիշների վրայ չարի մոլորեցնող ներգործութեամբ: Եւ,
սրանցից խոյս տալով, կարգի բերուել արդարութեան մտքերից՝ ըստ
առակողի. «Արդարութեան ճանապարհներով եմ գնում եւ
ճշմարտութեան շախղներով շրջում» [Առակ Ը 20], այսինքն՝ ստեպ գնալ
Աստուծոյ եկեղեցին եւ աղօթափայտը՝ փառաբանելու Աստուծուն: Գնալ
նաեւ խոստովանահայրերի եւ հոգեւոր խրատներ բաշխողների մօտ՝
մեղքերը խոստովանելու եւ ապաշխարութեան ու բարեգործութեան
խրատ ստանալու: Նաեւ հիւանդներին եւ բանտարկեալներին
այցելութեան գնալ եւ, ըստ կարողութեան չափի, օգնական լինել: Եւ
ընդհանրապէս գնալ [այն] ամենին, ինչ ըստ Աստուծոյ
պատուիրանների է, եւ հրաժարելիներից խտորուել, մինչեւ որ
կարողանալ Դաւթի հետ ասել. «Զո պատուիրանների ճանապարհներով
ընթացայ եւ Զո ճշմարտութեան ճանապարհներն ընտրեցի» [Մաղմ.
ճԺԸ 32] եւ լսել Տիրոջից. «Դուք, որ Իմ ետեւից եկաք, Իմ միւս

ՀԴ

Եւ արդ, ահաասիկ Աստուծոյ շնորհներով հոգու մասերի, մտքի շարժումների եւ մարմնի զգայութիւնների մէջ մեղքերի մուտքերը փակուեցին եւ առաքիճութեան ու սրբութեան դռները բացուեցին: Բանգի ամբողջովին այս իսկ է մարդը, հոգին եւ իր գորութիւնները, միտքը եւ իր շարժումները, մարմինը եւ իր զգայարանները, որոնք, ըստ վերագրեալի, պէտք է ամենայն զգուշութեամբ պահել: [Չպէտք է] հրաժարելիներին ընտանեակ եւ նրանցից, [որոնք պէտք է] համարձակ կատարել, օտարանալ, որպէսզի, բարւոք եւ ընտանի հաստատութիւններից սահելով, վար չընկնի Աստուծոյ մարդը, եւ արատի որել բիծ չխառնուի անարատ մաքրութեանը՝ եղծելով Նախատիպի յուսապատկեր գեղեցկութիւնը: Բանգի վերագրեալներով արարչաստեղծ կերպարանքն այն առաջինի պէս համակ կգորդարուի՝ լաւագոյնով՝ ամբողջովին ճոխ, եւ հակառակով՝ աղքատ: «Բանգի եթէ բոլոր օրէնքները, — ասում է, — պահես եւ որել մէկով մեղանչես, թերի ես եւ ոչ կատարեալ» [տես Յակ. Բ 10]: Ինչպէս օրինակ՝ եթէ մէկը մարմնի բոլոր անդամներով կազմ ու յարդարուն լինի եւ որել մէկով պակասաւոր աչքով, ձեռքով կամ անդամներից ցանկացածով, այնպիսին ամբողջովին կատարեալների հետ չէ, այլ թերի է կոչուում: Այս խորհրդով եւ օրինաւոր հրամաններով էր, որ Աստուծոն ընծայուող պատարագներն [Աստուած] հրամայում էր անարատ մատուցել, քանզի կարգը, միակամին, քթատը կամ այլ որել թերութիւն ունեցողն ընդունելի չէր իբրեւ պատարագ [տես Ղեւտ. ԻԲ 21]: Եւ Պօղոսն այս բոլոր օրինակները գալիք բարիքների ստուեր է անուանում [տես Եբր. Ժ 1]: Ուստի այլ [օրինակների] հետ այս եւս համարում է ստուեր, քանզի այն մարմնաւոր պատարագն այս հոգեւորի օրինակն էր, որովհետեւ ինչպէս որ այնտեղ ընդունելի էին մարմնով կատարեալները, այստեղ էլ՝ հոգեւորապէս կատարեալներն ու անթերիները:

ՀԵ

Ունենք այլ զօրաւոր եւ ներգործուն օրինակ եւս՝ նիւթականի եւ անճիւթի, ախտաւորի եւ անախտի համեմատութեամբ: Բայց նախ, ամեն նիւթական եւ ախտաւոր մտածութիւն հեռու գցելով, մաքրեցէք [ձեր] մտքերն ու խորհուրդները, եւ [ապա] յստակ հայեացքով նայե՛նք

անարատ խորհրդին: Բանգի Փեսան Բրիստոսն է եւ կոչում է Եկեղեցու [Փեսայ], իսկ Եկեղեցին «արսն է՝ անախտաբար միացած Բանին, ինչպէս որ փեսաւր* Յովհաննէսն էր ասում. «Ով հարս ունի, նա է փեսայ» [Յովհ. Գ 29]: «Արսնաժու** Պօղոսն էլ ասում է «Նշանեցի ձեզ իբրեւ սուրբ կոյս՝ Բրիստոս Փեսայի առջեւ կանգնեցնելու» [Բ Կորնթ. ԺԱ 2]: Իսկ Եկեղեցու Փեսան «արս Եկեղեցու հետ Իր միասնութիւնը սրանով է ցոյց տալիս. «Միթէ կարելի՞ է առազաստի մանկանց սուգ պահել, քանի դեռ Փեսային իրենց հետ ունեն» [Մատթ. Թ 15]: Էլ չեմ յիշատակում Երզ երզոցի խօսքերը, որոնք սկզբից մինչեւ վերջ նայն են կրկնում՝ մարմնաւորով պատկերելով հոգեւորը՝ սրանով ոչ այլ ինչ ցոյց տալով, եթէ ոչ՝ Բրիստոսի անչափ սիրոյ մեծութիւնն Իր հաւատացեալների հանդէպ: Եւ քանզի երկրաւորների մէջ չկայ սիրոյ որել այլ տեսակ առաւել, քան փեսայինն ու հարսինը, որ կարողանար ցոյց տալ Եկեղեցու հանդէպ Բրիստոսի սէրը, այդ իսկ պատճառով էլ այս օրինակը բերեց:

ՀԶ

Արդ, ինչպէս որ փեսան բնաւ չի կամենում, որ իր հարսը մարմնի անդամներում որել թերութիւն ունենայ, այլ [կամենում է, որ] ամեն ինչով կատարեալ լինի, այդպէս էլ Բրիստոս կամենում է, որ Իրեն հարսնացած մաքուր անձը սրբութեամբ կատարեալապէս Իրեն նուիրուի, որպէսզի հոգու մասերից կամ մարմնի զգայարաններից որել մէկը Իր բնական գորութիւնից չնուազի: Եւ ինչպէս որ փեսան, թէպէտ եւ հարսը մարմնի անդամներով անթերի լինի, սակայն կամենում է՝ նաեւ, որ հարսը զգեստների վրայ ունենայ ժապաւեններից, ոսկուց, մարգարտից եւ թանկագին ջարերից պէս—պէս զարդարանքներ՝ իւրաքանչիւրն ըստ պատշաճի յարմարեցրած անդամներին, որպէսզի Իրեն հաճելի լինելու համար առաւել գեղեցկանայ, այդպէս էլ Բրիստոս է կամենում, որ առաջինի հոգին ոչ միայն, ըստ իւրաքանչիւր մասի եւ զգայութեան, չարից ազատ լինի, քանզի անդամների անարատութիւնը մեղքերի խառնուրդ չունենալով է, այլեւ սրանով չի բաւարարում եւ կամենում է, որ, ըստ իւրաքանչիւր բնական ներգործութեան, իւրաքանչիւրի պէս—պէս ոսկիանման, մարգարտատիպ եւ սկանակերպ առաջինութիւններով զարդարուի: Ուստի պէտք է ամէն մէկի ջանալ, որ, ինչպէս վերելի խօսքը

* փեսաւր — փեսայի բարեկամ
 ** հարսնաժու — հարսանիքի միջնորդ

ցոյց տուեց, ըստ հոգու եւ իր մասերի, մտքի եւ իր շարժումների,
մարմնի եւ իր զգայութիւնների, որեւէ պակասութիւն չունենայ պատշաճ
առաքինութիւնների մէջ, որոնցով էլ հաճելի կերեւայ երկնաւոր Փեսայի
աչքին եւ վառած լապտերով Նրա հետ կմտնի երկնաւոր հարսնարանի
առագաստը՝ անախտ միաւորութեամբ վայելելու անզուգական փառքն ի
Քրիստոս Յիսուս՝ ի Տէր մեր, որ օրհնեալ է յաւիտեանս. ամէն:

«ԳԱՆՉԱՍԱՐ» ՄԱՏԵՆԱՇԱՐ

ԳՐԻԳՈՐ ՎԱՐՂԱՊԵՏ

ԽՕՍԹ ԸՇՄԱՐԻՏ ՀԱՒԱՏՔԻ ԵՒ ԱՌԱՔԻՆԱՍԵՐ
ՎԱՐՔԻ ՄԱՍԻՆ

Գրարարից աշխարհարարի վերածեց
ՄԵՂԱ ՍՏԱՄԲՕԼՅԵԱՆԸ

Նախարանը՝
ՅԱԿՈՒԲ ԲԵՈՍԵՏԱՆԻ

Խմբագիր՝
Տ. ՄԵՍՐՈՂ ԲԱԿԱՆԱՅ ԱՐԱՄԵԱՆ

Նկարիչ՝
ԱՐՄԵՆ ԲԻՒՐՉԵԱՆ

Համակարգչային շարուածքը՝
ՅՈՎՀԱՆՆԵՍ ԿԻՉՈՂԵԱՆԻ

«Գանձասար» հանդես, Երեւան, Մոսկովեան 11